

空同集



空同集卷第二十四

北郡李夢陽撰

五言律詩一百首

陶行人宅贈

大道僧門對蕭然陶舍深未論五楊柳真懸一素琴
坐向霜烟夕時聞鴻鴈音城笳流海思邊月起秋陰
苦勸蒙騰醉應懷長別心但看得雲翼翼冥冥誰竟尋

酬京師友人見寄

浮雲悲故國積水起鳴雷不見長安日愁登古吹臺
故人三月別天上一書來欲問經行處山中杜若開



繁臺餞秦子二首

異地同爲客看花更屬秋雲連去國日鴈引望鄉愁
隴樹迷關道吳山蔽驛樓忍將宋玉恨還共李膺舟

二

萬里遊燕客十年歸此臺只今秋色裏忍爲菊花來
霜露疑秦望衣冠餞楚材不堪分袂苦落日一鴻哀

送秦子

梁國秋砧滿范陽風葉稀如何故人去不與鴈同飛
北路薊門古寒天易水微君行莫怨霧霜日指南輝

聞李公寓郊園寄贈

幾日棲東嶼昔林今若何主人能醉客世事且狂歌
黃鳥晴吟竹紅蕖晚出波自憐門士未眠病阻鳴珂

答殷伊陽見寄

古縣重新柳獨吟酬好春琴清山在眼花碧酒隨人
柰此河陽少曾於漢署親郵筒定不惜有句念沉淪

寄殷伊陽二首

自枉去年札約爲嵩少行夢常飛洛水詩屢到伊城
蘿殿玉喬烏花臺子晉笙君行奮雙翮吾此學長生

二

可怪伊陽尹冬來不寄詩從懷白雪調况逼暮雲時

空齋集 卷五 言
日落山城黑風鳴邑樹悲身危屬撫字爲爾一妻其
送鮑生下第南歸

只期橫直上豈料戢鱗歸抱玉終難掩投珠安所希
秋風吹獨馬落日照征衣南到江亭上還瞻比鴈飛
杭刑部東卿談其師真

國難逢驕虜時危惜俊才鹽車在泥淖騏驥亦悲哀
片月清秋照商風一夜來思君不相見惆悵對西臺
南陽宅訪徐禎卿

東閣能留第南人暫亦居琴書遷卧內騎馬到堂除
殘樹喧巢鵲微風走壁魚追思秉釣日冠蓋爛盈間

張子抱疴避誼山寺開別旬月作比懷寄

楚楚張公子悲吟度歲華棄官臨野寺服習向山家
石髓遇不識黃精春始花洞中日月秘強食勝丹砂

寄錢水部世恩

雪時揮袂別見雪卽懷君河館冬難暮沙洲晚更雲
清爲蒼水淩靜對白鷗羣昨夜尋君夢微茫路不分

風夕柬徐子

嚴冬萬卉寂朔吹迥添愁巔日微含照川雲半逆流
頻齋忘肉味乍冷覓羔裘差勝山陰夜能孤訪戴遊
送舍姪木還汴

天涯逼除夕念爾獨歸人
夜宿盧溝雪朝逢易水春
爲駒先汗血藏劍莫愁身
到及張燈候逢知戲彩頻

得何子遇湖南消息

及遇荆門信洞庭
秋已淒湘江饒苦竹
幾聽鷓鴣啼
馬援留銅柱王
六衣祀碧鷄
向南衝瘴癘藥物去曾携

憶何子

其兄時爲巴陵知縣

憶爾辭京日余一歌
萬里行經秋無過鴈
索處若爲情
去已窮滇海歸
應滯岳城鳳凰池
上草春到爲誰生
何子至目滇

醉折荷花別寧
期花復開川原一
回首雲日共徘徊

知向百蠻去云從三峽來進舟雖一賦胡棄楚陽臺

春歸東謝負外

寂寂鳴禽變陰陰
弱絮飛煙花從客
久風雨會春歸
且盡追隨飲休傷
節序違無端臨暮景
番憶謝玄暉

晚過序上人

塔日微微墮禪居
隱隱涼軒開惟有竹
坐定始聞香
萬古風塵地三生
水月鄉頻來尋白社
不爲禮空王
再過序公月夜

歲已殘冬逼月餘
今夜圓光侵僧磬
發清傍佛樓懸
鳴鳥疑深樹高雲
靜暮天夙心如解
此更欲問何禪

晚過定上人

中秋鏡閣臨向晚過西林月自湖間動鵲翻祇樹深
靜宜鐘磬發寒更塔廊陰萬物輝今夕悠悠塵外心

秋雨訪李鍊師

便靜尋丹侶飛梁度赤城洞花含雨落階鶴下松迎
雲霧生仙袂秋寒咽鳳笙余情會浩蕩先品步虛聲

送鮑光雄南歸

世事風波遠悠悠素髮新乾坤萬里色江海獨歸人
岸柳牽行舫汀花照暮春山中采芳杜好薦北堂親
田生聞余浩然訪於東郭花下酒集二首

花林吾自酌見覓爾情親轉覺花饒笑番驚蝶趁人
百年春地客萬里宋宮春酒罷烟城暮無言對愴神

二

令兄具國士吾子更超然同住孤城裏相邀東郭前
攀桃映落日折柳向春天更有梁臺約風塵入暮烟

余氏園庄二首

無端二月至不分百花開林坐斜陽入郊暄沙色來
穠葩偏近牖弱柳故臨杯共是天涯客無辭酌酹迴

二

百年吾不醉一歲幾何春况接桃花暮難禁柳色新

君爲避世客余是放歌人
爛熳題詩徧林鶯莫漫真
庚午十月余氏東庄

南客招延屢東遊野興高
乾坤侵蕭殺雲木半蕭騷
暖澤喧饑雀冬林秀晚桃
時清還浪跡痛飲笑吾曹
送人還關中

見君驅去馬忽起望鄉思
華嶽寒逾峻涇河繞自遲
躬耕爲谷口把釣憶皇陂
何日一尊酒南山對不移
寄贈內弟玉園居

城市憐余獨鄉居見爾稀
年華仍雪樹疾病有柴扉
因起浦欲暝沙寒鴻自飢
一身固不保萬事莫嗔違

毒熱在獄呈陳運使數暨潘給事中希曾
此地饒炎熱南中恐未然
有風番助暑揮汗欲成泉
鳥避棲深葉蠅喧集滿筵
百憂吾共汝流涕北風篇
延慶觀訪陳州王君

珠閣晴逾麗仙林午自和
我來驅獨馬笑爾溺雙鵝
臘雪融樓薄溪風傍竹多
雖非宛丘習吾醉亦婆娑
徙泰公方丈秋夜

秋林風色暮游子念征衣
鴻鴈俱高起江山獨未歸
月臨蓮室靜螢傍竹林微
喜對離羣友吾生本息機
康狀元話武功山水

夢寐關中好連年未得歸側聞武功勝佳興益翻飛
水繞褒斜出山從盤屋圍因君覓水竹爲買釣魚磯
發京邑狀元送出城

旭日清霜麗關河獨鴈飛征蓬各自遠會面後應稀
渭水縈秦塞南山繞漢畿料君鄉思切只恐未能歸
答何子問訊三首

伊汝投簪日憐余罾網羅江湖鴻鴈絕道路虎狼多
萬死還鄉井潛身葺薜蘿天涯歲仍晚無路覓羊何

二

仲夏辭梁地中秋出夏臺醉行燕市月留滯菊花杯

日暮千行淚天寒一鴈衣亦知張季子不爲食鱸迴

三

弱冠真憐汝投閑更可衣山高桐栢觀水曲范滂臺
假寐憑巖挂潛行倚岸梅此時誰借問日短暮寒催
阻雨明港寄何子二首

白日雲猶動青山雨忽來計程今夜會策馬出村回
月對荆門上天從夢澤開旅燈依港宿吟苦獨徘徊

二

微微山日舒彼美碧山隅信宿猶難遣經年祇重吁
花含明日艷月助此宵孤久擬申城醉香醪語爾沾

賢隱寺集贈

水落移舟穩山行酒暫隨寺高垂路細林密見僧遲
樓閣登臨日江淮獨去時不應聊駐此愈重白雲思
漢上遇鍾參政

長安一爲別十載但書傳我自河南至君來自沔川
偶逢知萬事重會是何年館靜風依馬江鳴雨濯船
情多看轉默酒後惜分眠明發孤帆疾愁經大別邊

贈鍾子漢上

君爲薇省使幾度紫薇開髮以憂時白舟巡累月回
漢川驚會面江雨助停杯已約同船下安能曉霽來

獨對亭贈人過訪

孤亭瞰巨壑五老對銜庖日出峯烟起風涼谷樹悲
石泉秋聽急山路晚歸遲異日東南賞應深廬嶽思
發貴溪高子輩舟送

旌旗飛近邑鼓吹送前舟禮餞諸生侍英寮並節遊
長風驅暝色密霰響寒洲見月帆猶進山陰恨子猷
寄贈林都御史二首

錦水啼鶯起巴山春望微干戈滿眼急江漢一舟歸
花送琴書色霜留斧鉞威所傷豺虎亂公也息鷗機

諸葛能安蜀穰苴本善兵向來優起詔番作急流行
老益丹心壯憂惟白髮驚祇憐川父老涕泣挽歸旌

贈何君辭官歸里

三年牧夷郡萬里竟歸舟瘴離程畚雨雪乘江漢流
琴書頓縣邑五馬向山樓棠樹苗民種清陰應舊州
新喻遇薛子送贈二首

故舊日益遠寸心奚所安雨留杯酒暫明發楚途漫
炎暑百蠻盡風霜五月寒知君近南斗時倚鎔鄒看

二

解劍別此水憐君向桂林徒持一杯酒其奈故人心

厲秋行霽沅湘馬度深衡陽雖更遠莫遣鴈書沉

立春寄楊君京口

一水相望隔飄飄楚越身北風猶送雨南國暗增春
雲入金山接波添彭澤新妙高峯上酒對酌是何辰

顧子謫全州贈二首

楚城悲遠望君去更悠悠心十月逢南鴈章江况北流
寒沙帶宿莽霜日下孤舟明發湘東路應添吊屈愁

二

蒼梧遺舜跡白雲秋氣愁君得人文地相傳是此州
山連夜郎密羣入桂林收獨有思親淚非緣逐客流

與樾堂子晚步四首
有伴沙行穩無雲楚望深江湖席下出樓觀鳥邊陰
共繫南來跡孤帆北逝心徘徊勿復晚明月散松林

二

晚俯林煙靜居然盡一城江圍三面白雨過四時清
沙光偏升月花跡轉喚鶯可言南浦矮青槩斗牛平

三

北郭浮沙暝西山擁坐真日猶銜殿閣江已下星辰
禹服苗風雜豐郊劍氣伸獨嗟征艦日歌吹滿城闈

四

美樹沙能秀高花夏不踈江山百戰後登眺兩人初
楚月垂鮫淚燕山蒞鴈書異時羊縵壁喜接豫章魚

九日楚山太華君同登

不入襄陽府秋山每自來那知楚峯上還共菊花杯
帽落層雲迥風生萬壑開却思羊叔子峴首獨悲哀

送鄭生南歸二首

梁園杯酒罷江上泛舟歸白日孤帆隱青天一鳥飛
路分和靖宅潮接子陵磯羨爾隨玄豹還山戲彩衣

二

挂席南風便煙霞北望深逢人著草帽采藥鍊黃金

五月三江路扁舟四海心方山有叢桂誰與結雲林
繁臺書院同邊子三首

壺觴聊首夏文史史孤臺地主更來幾登臨每復陪
徑蘭迎節秀岩鶴撲驄迴落日凭軒外蒼蒼四嶽開

二

駐賞林紅減登吟野綠圍故人率爾遇時序暗中違
氣突芒碭斷雲低孟澤飛昔賢誰復此無羨酒酣歸

三

興劇攀巍坐翛然俯日斜亭扶盤石樹崖綴殿春花
薜服賓游憶青衿閃釣槎網繆不欲別風野暮鳴笳

臺館訪李秀才濂

李生梁國彥少小事沉冥春日古臺上獨行楓樹青
花侵映雪壁鳥下草玄亭野闊看無際浮雲似洞庭

寄一可監察二首

爲問乘驄使經春北未迴句刪淇竹寫尊泛鄴花開
昏曉行山外風雲每自來不知銅雀上臨望幾徘徊

二

初擬周三晉何時已百泉吏人跳水外驄馬白楊邊
坐憶孫登嘯行吟衛文篇倒看峯不極炎日有霜烟

東黃子二首

約隱情非飾今歸悔即遲
田園荒欲盡親友半相疑
杯酒惟黃子儒門是白眉
可能東郭柳日往聽黃鸝

二

徑菊陶能得田瓜邵獨勤
爲農消日月倚杖看風雲
插柳俄成樹籠鵝忽一羣
不須憂萬事客至且醺醺

許君話遊感舊四首

幾日離泉上泉香滿繡衣
坐談觀水事想見采菱歸
石柱新留姓山藜亦借威
知君薄朱紱興在白雲飛

二

泉館舊會到跳珠今若何
數年魚不小題壁客應多

照日輸金浪回風散錦渦
君今樹齒齒勿逼古龍窩

三

亭榭逢君復源泉改色流噴珠
連地涌仰鏡合天浮
掇蛤曾兼石移家欲狎鷗
獵心萌自鄙日往水邊頭

四

昔訪仙潭鯉春陰阻獨行至
今看絕頂長日有雲生
爾昨褰帷過同深把釣情
何時掣金鬣攜手萬峯晴

酬唐禮部見寄二首

萬事中年懶諸人近日踈
不忘惟墨客願見有音書
倚伏休詢鵬生涯且釣魚
問奇終缺酒不是草玄居

二

蹈虎看賢達攀龍幾奮飛長歌百年內慘淡萬情歸
種竹從過檻栽桑不慮衣神交古有在莫遣北鴻稀

贈張工部汴上

天意焚宮殿臣心急棟梁未花辭魏闕酷暑向咸陽
遇我真傾蓋憂時每罷觴塵沙一萬里分手向垂楊

答許監察百泉和章兼泄所感三首

踈迂甘病足天地合藏身未即辭城市何緣謝世人
恨無山在眼願與鹿為鄰暑日情真倍蕭蕭水石濱

二

吾門客不到永晝雀堪羅竹色間中拂池涼颭芰荷
片雲蹙日卷雙燕掠虫過忽憶臺端使詩成只自哦

三

睡起看雲坐敲門報吏來受文書驚鯉躍投李得瓊迴
思為源泉劇辭遵比興裁不須共林石三復野情開

和許監察聞報之作

忽爾西邊信飛傳過洛陽幾首齊豕突何將最鷹揚
殺氣黃河接烽煙紫塞長籌兵有諫疏早晚達明光

送張監察還朝

北極星辰入山河斧鉞歸鳥爭車驚疾雨逆蓋雲飛

御柳元搖珮臺花且襲衣聖心虛采納忍使諫書希
伏日許君館亭晚酌二首

暑閣含風暮林亭透日踈俯池閒白羽把酒躍金魚
興觸山花發心同水葉舒孰言臺務劇鎮日有琴書

二

樹色寒文簟池光隱玉壺敞筵真不暑愛客忽忘晡
鳥返爭栖柏魚懽自戲蒲回看闌闌子天地一洪鑪

送陳左使赴貴州二首

萬里洞庭西秋風入五溪瘴天開斧鉞山驛斷虹蜺
水出牂牁繞城深井宿低堂間花樹紫簫鼓闕雕題

二

郡縣收殊俗封疆託比臣去披炎嶺霧坐使瘴花春
猷部知徭賦夷官學縉紳誰期召伯樹蔽芾五溪濱
早秋監察許君見過

五柳驄偏繫三山雨乍過夏蟬猶咽竹夕露欲傾荷
眷此青雲客懷余白石歌相看恨易晚燈火發烟蘿

寄王謫掄

自汝謫東縣朝朝看海頭書纔一紙到別已十年周
日就晚潮落城浮淮水流知君負楚調激烈向清秋

寄李濂兼呈何子

仲言何
遜字

識汝塵埃際飛騰步步之向許身元稷契努力更風騷
暫亦遊香署終能奪錦袍仲言應過數萬里兩鴻毛

寄王生

重九書新寄他時意獨傷故山吾別久籬菊晚誰芳
日月徒鴻鴈乾坤尚虎狼松楸圍幾大人發淚千行
酬寄徐子秋口口登鏡光閣見憶

歲晚湖間閣秋臨共西園曹路疑銀漢上身近紫宸高
霜色諸天鏡懸風四合濤別離誰復此盪望獨揮毫

贈孟明府自出任林量移汶上

少年東邑宰萬里北邙遠人桂已他時苦花須滿眼

偶逢思宿昔臨別見交親莫小牛力試元爲驄馬臣

寄王子蘇州三首

獨立望南天秋空月會圓此時一尊酒憶爾隔婵娟
並馬遊燕日孤舟去越年斷腸今萬里心折暮江前

二

三十烏臺使投冠竟黑頭田園是故里江海有新舟
把酒看鴻舉開牕面虎丘不須嘅今古吾伴鹿麋遊

三

舊交多鬼錄吾子獨仙鄉幸自饒強健何心說廟廊
稻輸吳郡白橘足洞庭黃飽飯教兒女攤書日滿床

寄張孟縣

同年多出宰獨爾得河陽背郭園王屋開門對北邙
詞章前令掩桃李舊花香何日乘雲起雙鳥入帝鄉
酬徐子春日登樓見寄

三月垂楊合風花滿帝州伊予直北望爾上幾層樓
紫塞連天起黃河抱地流春烟動萬里何處覓前遊

送許監察還朝二首

杯酒豈無友知音誰復多君今萬里去吾奈好春何
路草隨輶碧山鶯近驛歌尚思文話地驄馬月中過

二

吾園花爛熳子特駐驄者偶念明朝別先違兩地懽
勝之元執斧陶氏合投冠去住情俱得離杯莫放乾
再贈許君

緣岸百花開樓船三月迴人依鐵甕望鳥避柏烏來
禮樂還朝疏山川畫笏才太微蓬已入新彩近三台
畫笏虞
允文也

空同集卷第二十四

空同集卷第二十五

北郡李夢陽撰

五言律詩一百首

邊君生日來訪時近中秋不虞雷雨二首

怪爾生辰日高軒特過吾秋驚飛電至雨逐去雲無
上壽須君子同聲愧老夫勞問隱顯乘月有清壺

二

電過天仍雨庭空晚復雷連牀慨往昔阻馬得徘徊
暗菜香賓席秋燈焰高杯非君有家慶肯放夜輶迴
繁臺院閣饒沈子之雲雨并懷劉子二首

斗酒重陽後危樓萬里前
停雲忽蔽地起鶴故橫天
斜日留傾蓋疎花影別筵
忍看驄馬使遙向碧鷄邊

二

豈料吾劉沈提刑繼入滇
經過此臺上共醉菊花筵
日落杯光動樓空海色連
無論卽萬里身世轉蓬前

送姪木甥嘉會試

二子趨南省同車向北燕
苦心衝雁雪得意佇花天
合浦珠光會豐城寶氣連
諒懷鵬舉志吐膽鳳樓前
繁臺冬餞翟子三首

野館逢君日相逢復惜違
暖崖花尚發冬樹果初肥
芥鉞從天至家山傍海歸
懸知稱慶處不獨錦為衣

二

邦君榮大禮星使返三台
路指東方入尊留南郭開
館深松自靜筵暮月還來
明日山河異無言不醉迴

三

為慕梁臺勝紆君駐馬觀
風霜當夜急樓閣近星寒
醪酊猶更燭徘徊數倚闌
知君有家國忍向北雲看

丙子生日答內弟璣

今夜今年聚誰知骨肉稀
汝猶悲燎粥予豈那子飛
對火霜威入侵杯月色微
斜燈更續不是醉無歸

雪後寺集夜別王子

僧夜晴遊地月高鐘磬聞塔光斜照雪香氣上蒸雲
客向杯前聚途於醉後分別離誰不爾繾綣獨斯文

早春懷上方寺

此寺城中僻邊城野四圍青天直塔上落日稱僧歸
殿古松風入臺春草雪微覓碑吾不懶所慮鳥驚飛

春日過李氏因贈

偶憶孩童日能禁老大悲向來門巷接長是酒筵隨
禮樂儒門舊風花世路疑不須辭夜飲春月正逶迤

送鄭生

河水未盡脫怪爾駕舟還言向金陵去春登江上山
淥波元楚徼芳草自吳關寶劍男兒在那憂行路艱

柬張含

戰國侯嬴里梁園李白杯夏驕惟溽雨秋弱尚鳴雷
病館經旬滯歸旌萬里催別書期早寄莫俟北鴻迴

憇長葛端壁寺偶遇使人王卿齋監察毛君

詩劄到因頌中口占馳寄亦答遊山之約
遠為長葛憇憇忽接許昌吟不覩暮雲句那知春別心

早花連頰岸晚日下嵩岑咫尺盟難踐何須問古今

月下柬張含

風餐涼雨過露坐晚林幽
汝對梁園月孰如金齒秋
常星皆北拱滇海獨西流
萬里清光在應懷今夜遊

送張含

明發車南指滇城更復南
秋驚洞庭葉雪壓貴州嵐
念汝此行遠求官今尚淹
保昌山鳩側好結望京庵
秋日讀王子赴江西時諸
曹贈行篇什感賦
接攬江西轡同懷振鐸年
匡廬並突兀鄱水日悠然
子進薇花省子歸蓮葉船
梁園邂逅地把酒對秋天
繁臺送張內史侍母還蜀
同毛袁監察三首
幸值高秋霽何愁蜀道難
顧瞻知國念跋涉為親懽

露菊沿江熟風林過棧寒
故園如有夢應在五雲端

二

翰苑飛名久梁園接席初
文談白日下涼露碧林疎
劔閣天真險巴山錦不如
饌親知盡樂日日有姜魚

三

飲暮不歸去繁臺秋正深
侍臣軒偶遇驄馬酒同臨
去國三川路停雲萬里心
西南鴈不到吾遲尺魚音

丁丑重九繁臺酒集

高會今秋始重陽
逐歲同上臺寒日午
開閣古林風且約
黃花醉休嗟白髮
翁舊遊不須問天
際有飛鴻

寄王憲使二首

及側須開縣安危亦仗兵饒山夾岸密鄱水向秋清
部使輕乘入餘黎粟飯迎怪來服從易為懼靖南名

二

傳爾提刑地思予攬轡游湖山不改秀蛇虎向來憂
賣劔元能事寒帷帝此州范公芳未泯亭在北山頭

寄崔內史病還鄴

漳浦新歸客文園舊病身乾坤金馬外杖屨碧山春
書合虞卿著耕非桀溺倫漢庭文賦筆誰及茂陵臣
早春宴黃宅

岐路風花裏乾坤醉眼中事隨年共異春與昔還同
相聚今何夕相看各已翁夜和杯更暖休負燭花紅
送右轄王子通除赴嵩山之役以獄事

遽有嵩山役怡然逢此春旌旗拂岫入車馬駐蘿新
坐愛溪花發行憐塞獸馴時雷蘇萬物君重係繫民
送余生南監

江門柳色暗四月浪花高爾抱魚龍志休隨雀燕曹
金山入紫氣壁水動青袍倘慮音書隔南風有順毛
繁臺秋餞何子二首

會少憐君暫臺孤引望頻清秋屬過鴈落日有征人

華嶽元通洛黃河不棄秦異時愁獨上千里見嶙峋

二

候吏催遲暮遊人怨解攜十年內供奉萬里竟關西
地古饒文物時平罷鼓輦巡行有佳興應徧絕崖題

再餞何子

武場重布席文士此分襟人世東西路秋天旦暮陰
杯光搖弱草庭色下飢禽他日關中使無忘汴上音

喜李生自京師歸

北極星齊入中原爾獨歸田園自松菊身世有庭闈
魚可一錢買花常四季飛感時臺莫上恐濕賈生衣

送柳儀賓進聖節表

萬國生辰表天王北狩時鷄鳴元紫禁虎拜亦丹墀
漢樹霜楓古堯蓂露茨移無辭醉宮酒當是舊朝儀

中秋別鄭生

別離誰獨免此別是中秋爾上袁宏艇予登庾亮樓
羽衣飄北檻漁笛起中流炯炯共明月那堪兩地愁

已卯元日內弟璣見過二首

內弟元朝過柴門午一開柏尊吾足辦椒頌爾須裁
天地冰霜變江湖日月催鬢毛斑欲甚誰忍復春來

二

汝今年四十而我八年多世路憐書劍生涯笑薜蘿
遊將花並放醉擬鳥同歌莫問朝元日傷心是玉珂

送戴氏

兩河飛雨盡萬里不塵沙白馬朝天客春風御柳花
聲名新上計袍笏舊傳家諒有蘭臺擢應難捨伏伽

寄毛監察

江漢歸鴻鴈乾坤罷虎狼薜蘿吾故土驄馬爾何鄉
岸樹霜先赤籬花晚自黃向來杯酒地臺柏但蒼蒼

雪中鄭生見訪

萬戶風花起吾門爾一開驚看破履跡笑指白鬚

驢為登橋熟船非訪戴迴今朝梁苑賦合試馬卿才

雪中蘇生以詩見過

楚楚眉山裔儒林羨白眉謁來白雪裏惠我陽春詞
結綬終相慶投珠莫自悲長安馬蹄疾是爾看花時

春初大道觀訪蘇生

草生壇雪盡宛宛孤雲輝怪爾黃庭罷雙鵝不換歸
窻鐙留夕照欄竹伴春暉安得頻過此談玄兩不違

寄陳浚

借問垂雙翅何時奮一飛黃金不易就黑髮漸應稀
山雪騎驢出江風捲釣歸所嗟冠蓋地獨爾薜蘿衣

贈僧懷讓越人也嗜酒其居有借樹軒

訪舊來東社焚香對病禪素琴真與寂濁酒互通玄
隣樹當經牖春花落講筵不逢支遁語誰解月中傳

逢邾王子

相思汝水月相見帝城春紫邏雲煙迥青門柳色新
豈如題鳳侶疑是好鵝賓醉卽揮鞭別金龜報主人
徐子過別因而留宿

豈是陳蕃榻能淹孺子棲無言向春月難寐及晨鷄
鈎幔回春色梳頭過鳥啼如何艷陽節與爾惜分携

洪法寺遇鄉僧

爛熳春遊處重來冬日淒松風猶故壑露葉已新蹊
廢井浮陽出魏阡凍霧棲逢僧話鄉曲寒望轉萋迷

送張生還金齒二首

萬里來何事三年此復過高秋鴻鴈下落木洞庭波
歲月長途老風雲後進多百蠻家更遠白愛莫蹉跎

二

大雅流重譯殊方擬上才批鱗書幾上塌翅首頻回
白髮南荒路秋風北宋臺三杯邂逅地為爾一徘徊

送鄭溥入閩

江海發春濤南浮二月初花行浙口盛雲近武夷高

土布離鄉貴杉鷄詫客號延平津倘過珍闕匣中刀
送王左史入覲

帝里花應待王筵醴暫違舟從春水上人是錦衣歸
日月瞻新袞風雲壯舊畿辭朝君卽返莫賦北山薇
送姪竹赴京聽除

皇王寶曆開汝上黃金臺氣色三光正人心萬國來
拜除將檄入辭謝袖香迴幸會風雲路行伸駿裏才

送伍長垣赴召二首

君赴蘭臺召誰看此縣花久知驄是馬當許鷺隨車
日月新明主乾坤舊一家異時縑帛賞應首及孫伽

二

要地徵名尹新朝急俊臣班升玉笋曉臺散紫蘭春
萬水元趨海羣星自拱辰誰言大河上白首有垂綸

寄熊御史塞上

漢官持斧處天險惜離群塞口孤城斷峯腰細澗分
胡天秋更慘殺氣暮還雲定有憂邊計緘馳達聖君
秋日王子臺上

暑霽名王會臺成上客過清秋踈草木落日上笙歌
天地銜杯盡風雲傍檻多聖明今御極誰復慮干戈

酬錢子錫山之招

南遷公約我北望我懷公陽羨春芽秀荆溪早稻紅
乘槎伍胥口采藥洞庭東何日酬吾志江濤日夜風

送王子如淞江

寶劍寒無色蒼然海上行異書探戰伐高論動公卿
何日為毛遂前身是賈生誰憐同學子章句獨虛名

晚過孟氏雷雨遽至會王子亦來二首

王褒真畏友孟浩復多才下馬雲徐暮開尊雨驟來
疾雷當戶落驚電觸簷迴坐待明星出無疑曉漏催

二

齊月出還沒驕雷東復西千門螢火動六月候虫啼

共是天涯客能忘雨後題吾詩催仗汝好放片雲低

僧園秋集同田生二首

榴竹晴相媚秋光滿給孤微風捎果重殘暑入林無
寶塔金杯映青天白鶴呼不須談浩劫吾醉亦忘吾

二

自笑紅顏日僧今白首看秋風修竹過臺殿碧梧殘
鐘磬昏仍起壺觴醉不乾塔層思盡上恐逼斗牛寒

春日宴山泉王子之第同左田二子二首

入殿笙簫合開筵錦繡圍苑枝春競發臺日晚猶輝
語燕窺吟管飛花坐舞衣二豪同酩酊與爾月中歸

已恨韶華劇能孤，爛熳游鶯啼簷樹。換蝶戲檻花流，賓客朝開苑。笙歌晚入樓，但看今會者，孰與漢枚鄒。

酬贈閣老劉公四首

雷奮龍猶卧雲俱，鶴自閑一杯。莘野月雙辰，謝公山。貴客常辭避，田夫數往還。桂庭秋偃蹇，公醉拉誰攀。

二

大號更嘉靖，明公會古稀。老驚詩律健，閑愛醉游歸。庭戶羅花竹，兒孫導綵衣。向非千仞覽，那見太平輝。

三

清席秋能半，賓庭月故圓。前身金粟佛，今代玉堂仙。免巧元供藥，龜靈豈筭年。蠅頭燈下字，猶註紫霞編。

四

野綠情真逸，山香望獨高。酒嫌裴相淺，詩掩樂天豪。公實當三老，吾虛受二毛。人遐室幸邇，音惠莫言勞。送田生讀書上方寺三首

嗜靜甘遠俗，藏修合就僧。綠移開徑竹，寒掃護窻藤。殿閣秋陰下，琴書爽氣增。不須匡氏壁，常有玉蓮燈。

二

寺壓孤城斷，堂開積水圍。一僧當茗竈，群鷺狎荷衣。

被酒時登塔持書晚坐磯鶴騰知客至嗟汝詠而歸
三

涼雨滿庭戶冷然松桂幽隔雲清磬濕向夜一燈留
螢火輝書幌烏啼上佛樓諒多今古意先著宋春秋

登鐘樓答田秀才

老足秋能健朋游益益豪眼當孤閣放身已百層高
霜壁搖朱杞風簷落白蒿生平望東海一釣有連鰲

別鄭生

白首還離別長途倍苦辛憤時惟按劍避世謾垂綸
江海烟霜日乾坤去住身臨河見雙鴈杳杳向秋旻

送白帥留守中都

幕府開淮甸山河繞漢陵旣霜迎旆入王氣及秋澄
弩卧銅牙澁矛拋綠蘚增黃金印如斗應有異時徵

再送白帥

聖主下龍章將軍入鳳陽地盤淮海壯天擁漢陵長
祭戟新開府威名古辟疆卜年元萬世王道是金湯

再送鄭生

聞君數日住使我百憂寬池館杯觴易天涯故舊難
久晴冬欲暖近水晚猶寒借取防身劍慙慙醉裏看
譚劉二子過賞牡丹二首

載酒來朋遠尋芳出郭遙
遇花雙蓋住繫柳一聽驕
野席留香迥晴尊助艷嬌
誰言蘭百寶吾有三鸞翥

二

學舞花將起矜歌鳥自來
日蓮隨蔭徙風袂入香開
李白昭陽調姚黃洛下杯
古今君莫問且促醉輶迴
春日寄題崔學士後渠書屋七首

草閣臨何地花天想後渠
傍墻應植柳俯岸幾跳魚
好撰王褒頌休親郭橐書
改元新禮制側席待相如

二

石白雲花熒湍青水葉香
野情鷗鳥足紗帽世塗心

問字船能過聽鶯客不
妨無言渾是暇當有草玄忙

三

鮑容春還鄴崔渠遂盛傳
水溶漳岸日草碧魏城天
徑竹竿竿秀汀花朵朵鮮
但無醒酒石物物勝平泉

四

敞敞渠邊屋輝輝座右銘
竹琴晴愈靜蘿燭夜還青
洹水明卿月陳家聚德星
泥中雖近戲僕隸解談經

五

是否龜蒙鴨將無逸少鵝
內官聊一戲道士敢煩過
自坐蒲磯飲誰攀桂擢歌
絕絃知不易白眼向山河

賦筆多崔瑗朋車愧呂安碧渠何日到雲樹一春看
南果枇杷活西郊苜蓿寬覓君終繫馬艤棹是何灘

六

且養岷山鳥休焚學士魚窮通不在我水竹漫成居
綠薜深藏屋丹花淺映渠幾時朝聖主人擬治安書

小園花發譚劉二君訂遊涉夏始至席上三

首

尚有春留賞無言客過遲砌紅殘芍藥園綠半荼蘼
邂逅情真倍追隨酒莫辭有懷君盡放得意是佳期

二

繾綣杯侵夜迂徐月轉庭醉尋松影立涼愛竹風聽
老去朋情怨年來世事經玉繩天歷歷誰識小微星

三

涉夏榴能綻深更客尚遊羣行逢樹問獨立為花留
就月還移席呼兒重洗甌醉眸橫北斗曙角起城頭

送呂廣文四川衡聘

大省文衡重名師禮聘遙閣雲寒暑旆棧月引星輶
古帝蠶叢國今人駟馬橋好將揚馬輦收取貢清朝

贈孟監司赴任三首

孟嘗知汝上縣
有寄我之作

南轅江湖棹東飛海岱旗勇辭知至性強起為名時
氣節聊城箭文章孔廟碑秋風立馬地莫動季鷹思

二

汶上篇仍在齊東節重過繞臺新栢秀匝縣舊花多
海色搖行憶山雲護詠窩談天君一問稷下近如何

三

麋鹿游山性蛟龍卧水心得雲終一起食野不孤吟
汝去觀滄海予常慕孔林何時挈尊酒同躡太山岑

送譚子二首

國謚逾年至王臣觸暑行水花邀去節山鳥勸離觥

久客交人廣攜家念土輕玉筵頒扇日應注使回名

二

聚賞蜂初課分攜燕已雛泥驚落夏簟花憶倒春壺
水路風旗進晴舩暑氣無五雲赤日外縹緲是皇都

贈林監察阻雨郊館

積雨淹征旆層城隔論文一尊真惜酒萬里正橫雲
京國驄謠屬閩江道派分美名吾實羨何處接高芬

庭菊紛披有懷王喻二君子

鴈急秋真晚園空菊自黃露團菴有色風度不隨香
却憶初開日君來夜把觴忍今看爛熳獨繞碧籬傍

晚秋王喻二監察見過二首

自種吾堂菊無人共把卮昨來三徑雨忽與兩驄期
檻霽花逾爽林寒酒故隨坐忘俱醅酌莫遣白衣知
二
霜日來驄並晴杯汎菊頻古今元逆旅天地幾閒身
鴈陣寒從急籬香晚自新豪吟不知夜圓月在高曼

菊日任君見過

菊筵開遇雨秋色轉增孤冷翠元浮席流香故灑壺
蕊沾卷袖摘徑滑倩人扶莫謂無開霽斜陽酒重沽
寄鄭生二首

故菊開誰對新醪悵爾遲耳憎木葉下心與塞鴻歸
兒女催蓬鬢家園滯絲衣問君稱慶暇何處採山薇

二

節序仍黃菊乾坤更白頭文章寧益世衣食暫寬憂
遇客誰談劍思君獨倚樓遠江寒細細似有北行舟

空同集卷第二十六

五言律詩一百首

北郡李夢陽撰

月夜繁臺會兩監察二首

踞葉風交落臺驄晚並行時寒物色換意遠世緣輕
異國同觴地危樓片月情暝烟凭檻裏汴水凍猶聲

二

萬里危樓夜中天朗月時快心真託酒凝望轉停卮
野色霜元迥林光燭並移依依簷畔鵲先占獨栖枝

送李生還郡二首

宦美庭闈隔情深郡檄催臘江舟自穩暮日首頻回
洞橋黃金摘吳魚白雪來汝親知更樂願展治邦才

二

伯道吳門水梁公冀北雲依親歲聿暮趨郡袂還分
臘動蘇臺色春回震澤薰重過應未遠良吏漢廷聞
甥嘉北來出其謁逢于廟之作予為和之嘉

時謫茂州判

汝謁雙忠廟徘徊幾度吟暴雲連海白積水帶城陰
自投看碑淚誰知駐馬心未須悲遠竄不死是恩深

謫蜀過謁雙忠之祠

曹嘉

直諫匡前代孤忠激後臣光猶爭日月色豈變松
筠吊古千行淚投荒萬里身回思犯顏日斧鉞在
楓宸

送甥嘉之茂州次玉溪侍御韻三首

已詫齊東謫能堪蜀道行自甘窮塞竄爭柰倚閭情
劍閣雲中棧蓬婆雪外城大江秋見底待爾濯長纓

二

蜀道元非易人言此更難虎風生萬壑蛇徑動千盤
北望常思闕西來不為官無言羗性異汝當郡民看

三

雪山天地外經夏雪難消氣冷三城戍光通萬里橋
誰言州不好汝去踞寧遙縱使胡笳夜猶能夢入朝

次答三首

曹嘉

兩度微官謫孤身絕塞行漢廷收墮淚蜀道軫離
情玉壘蠶叢國龍標劍閣城乾坤形勝地何處掛
冠纓

我有龍淵物誰云鳥道難橋橫江不闊嶺度雪空
盤感慨悲前事成稜想舊官投荒吾不恨指佞萬
人看

障海功難就排山力漸消花心傷繡斧鳥步習

橋郡國西羗盡星辰北極遙賜環竟何日含淚望

中朝

郊園遲王豸使

豈少銀鞍馬衝泥許故游清風微進草晴日澹生秋
掃徑童將倦看籠鶴但收異時高李會佳跡至今留

王豸使至

晴游畚幸雨午出更便風柳重陶潛宅花霑御史驄
達人元野性濁酒本村翁酌罷桑麻晚歸燈一徑紅

同賦

曹嘉

兩後青驄馬風前綠綺琴檻紛蘭菊色林響鹿麋

音野鳥隨人性秋虫助客吟煩襟應盡解接屣坐
松陰

王多使既返東月皎升乃與李曹二子徑觴
吹臺之巔口占柬王子

王歸不待月二子共登臺天地劃然皎山河相盪迴
虫鳴崖底葉鴈影掌中杯為問山陰客還能棹雪來

同賦

曹嘉

皎皎秋圓月亭亭夜迥臺光隨車馬上步接斗牛
迴賦雪鄒枚跡臨風李杜杯猶憐朱紱客不共坐
莓苔

秋日呂公西園同玉溪侍御二首

園勝城能曲臺高野更秋席陪驄馬出情為碧雲留
移坐鋪林葉添樽面水流潛思歌舞地指點問王州

二

入院看垂柿臨畦羨引泉寒萋自滿地踈樹不妨天
野老疑旌旆林鳥下酒筵無云但游衍公意在桑田

西園酒半會王溪侍御瓜代報至再賦二首

北使還朝近西城返照深霜情留果實晚意付花心
風助林臯爽雲橫海嶽陰茲游如在念應有寄南音

二

勝地留賓切離筵散酒遲網魚生躍案摘棗脆連枝
草夕鳴蛩動天秋過鴈知河橋明日事願盡掌中卮
見和君病起鬚白輒有所贈亦答其酒過
詫汝鬚添白將無病苦形眼前真過隙身外是浮萍
客到留碁局兒呼檢藥經昔人曾頌酒吾意不如醒
和鄭生行經鳳陽

浩蕩興龍地盤旋踞虎形海吞淮水白天插楚峰青
帝宅精靈聚陵宮虎豹扃萬年裡祭禮有道賴朝廷
初冬見雪和鮑生

密雲初布暝踈雨忽成花氣淺冰從薄寒輕白自斜
誰念汝孤棹獨思家江上冥冥鴈春風遲去槎
鄭生至自泰山二首

作汝登東嶽何峯是絕峯有無丈人石幾許大夫松
日低波鳥巖雷起窟龍誰言天下小化外亦王封

二

俯首無齊魯東瞻海似杯斗然一峯上不信萬山開
日抱扶桑躍天橫碣石來君看秦始後仍有漢皇臺
寄鮑崇儒

去日猶零雪庭葵遽復花新詩誰和汝久客自成家
水國乾侵夏田風莽帶沙長淮日易暮珍重早棲鴉

送趙訓學滿歸二首

六旬千里客九載一羶歸路遠琴書重官貧妻子饑
塞雲迎老鬢河色戀征衣會有秋行伴關山新鴈飛

二

宋代陳無已唐時鄭廣文道高官獨冷名美世同聞
汝挈一羶去予憐雙袂分潸潸白首淚長向渭西雲

秋過內弟湯賦二首

赫赫乘龍地蕭蕭羅雀門桑麻猶世業書史但兒孫
數過看顏帖今來為菊樽顯親君太晚願化北溪鯤

二

主賓俱不飲相對坐同深幸有黃花興無論白髮心
游蛭紛落日高葉下踈林靜裏聞鴻鴈疑添徃歲音

贈陳生嘉言二首

少小期鵬運于今尚未飛蒿深仲蔚宅鶉結憲生衣
背郭元桑樹臨河只釣磯奉親知不苦饌有白魚肥

二

白屋山中相黃河水後田家無釀酒秫人索買書錢
雨過雲留野風來浪接天行行牛角上猶掛古人編

同賦

曹嘉

獨坐玄洲釣深棲仲蔚蓬人呼白衣相家有玉環

空同集 卷二十六
童澤近蛟常雨林空鳥易風蒹葭霜露裏誰采最
高叢

七夕雪臺子過東庄

村落元相接園林亦互游酒天携榼就花夜對牀留
忽爾雙星候冷然萬木秋誰期白頭日蕭灑共丹丘
贈程生東游

鄒魯風猶在芒碭氣有無霸心空大澤儒行乃長途
野艇冰迷鴈村樓凍集鳥無勞怨歲暮隨處是江湖

寄題高子君山別業二首

君山者江陰縣之北山也高子獲焉於是自稱

君山主人予聞之為作詩寄焉

一山背城起萬古彌為君秀攬江心月雄吞海面雲
金陵通地脉玉港發人文羨彼投簪客中年卧紫氛

二

子札墳邊業春申邑後山一江平展鏡兩港曲成環
不雨雲烟擁長春草木斑隱君梯萬丈倘許世人攀
立春東鄭生問其愁病

天涯春又至游子近如何病久詩難減鄉遙夢易多
藥苗春尚雪舟楫海初波舊業方山下東風偏綠莎
送劉尹赴徵

空齋集 卷五十六
戀別當炎暑淹留到夕暉徵書昨日下循吏古人稀
風樹涼移席庭萱晚就衣明朝五雲裏爭看兩鳥飛

冬日寺集觀趙帥射

萬里橫霜氣長風快順毛將軍隻弩發壘中兩鴻號
取石敲新火開鮮弄寶刀回頭問僧者何處得醇醪

丁亥寒食東養素

細雨穠花候高齋獨坐展春風無病物清世有閒人
樹濕鶯穿穩泥香燕下頻遙思養素者何處卧松筠

喜程生自吳中回致五嶽黃山人音問二首

爛熳梁園樹江舟爾恰迴苑桃惟舊列墻柳半新枝

枝為來人媚花迎笑口開吳門春更好幾上虎丘臺

二

黃子吾真畏程生爾更奇江城傾蓋日渭北暮雲時
寶劍神終合冥鴻性不移忽思千里駕慚愧昔人為

伏日載酒尋高司封讀書處二首

鄭門古城曲小築成幽園為厭朝簪擾兼辭人境喧
矮堂交雜樹炎日駐游軒默默林中意相看對一尊

二

養寂為園卧尋幽當暑過林深得日薄地靜覺蟬多
舊業元秔稻新亭復薜蘿誰憐朱紱客遽戀白雲窩

懷五嶽山人黃勉之

吳下元多士黃生更妙才
心常在五嶽名已動三台
系自汝南出文從西漢來
各天難見汝翹首獨徘徊
郊居東竹溪子

當春弄杯醖花落恨紛紛
重來日復幾飛葉滿秋雲
寒流下鴈影古戍噪鴉羣
殘菊猶堪把長謠獨憶君

聞吳郡黃山人將游五嶽寄贈二首

昨報三吳客將尋五嶽游
薜蘿應製服春水正宜舟
二室雲中峻三花烟外浮
住居吾幸邇先肯到嵩丘

二

天柱半頭雪蓮花嶺畔雲
朗吟惟李白獨往更黃君
婚嫁今應畢藜藿有幸分
共躋恒岱徧歸著五游文
東庄冬夜別程生自邑

萬里孤村夜踈燈對語心
風枝時響牖寒月故明林
秦隴新遊壯江湖舊恨侵
側知南橐重為有華山吟
已丑八月京口逢五嶽山人

夜雨清池館晨光散石林
一舟相過日千里獨來心
樹擁江聲斷潮生山氣陰
異時懷舊意應比未逢深
京口楊相國園贈五嶽山人

遠客乘秋至名園水竹分
林寒畚易雨池靜合偏雲

卧病思知已逢君愜素聞蕭蕭綠雲裏誰解有論文

九日黃花鎮

黃花遇九日風雨不逢花水湧石梁斷溪吞山郭斜
將軍午宴客欲醉忽聞笳困苦墩樓卒經年誰見家

九日應變齋居

時變逢搖落齋心對暮天未擒可汗日新起秦陵年
聽鴈真無那看花益泫然將歸思臨水愁絕宋生篇

九日慈恩寺閣二首

寶地元依海珠林更假山登臨重九遇城闕五雲還
歌吹喧候里邊烽入漢關望鄉歸未得能對菊蕊

二

勅寺四圍湖秋林層閣孤天空木更響風落帽還扶
魚羣席下躍鳥影鏡中趨泛菊看山海寒烟暮有無

生日寫懷

臘日明朝是浮生此歲過黃雲薄暮積白髮向來多
壯士看雄劍幽人戀薜蘿異時論出處竊慮各蹉跎

十二月十日

今日吾兄壽蕭條自舉觴燕山非故里汴水亦他鄉
河鯉行思海原鴿飛畏霜客居憐小姪潛望白雲長

臘日退朝口號

齊色催寒臘，雞聲下紫宸。至尊深抱戚，粥食罷嘗新。
宮霧戎戎薄，城鴉款款馴。小臣憐歲序，翹首待陽春。

七月十五日食不見追往有嘆

月食今年再中元，與上元春晴燈火亂。秋暝雨雲繁，
漢將高城壘。胡塵滿塞垣，孤臣萬古淚。偏灑秦陵園。

月食

有明終不滅，暫掩亦何虧。萬國喧呼地，三更鼓角悲。
輪生桂與發，光復兔還隨。顯晦每如此，人生祇自疑。

元日汴上雪霽

旭日薰江艦，晴雲麗竹扉。簷花雪色靜，庭篠碧滋歸。

歲月高兒女，行藏老歲薇。眼看人共醉，椒酒不堪揮。

清明河上寓樓獨酌

一自違京邑，飄飄嘆此遊。桃花是往歲，竹葉轉新愁。
暮雨津城樹，春帆水國樓。汴河堤上柳，烟色似皇州。

庚午除日

于今將四十，始悟昔年非。白髮誰能那，紅顏我漸違。
行藏沙上鳥，日月故山薇。悵望勞歌起，風河柳色歸。

辛未元日

萬事渾如昨，蹉跎四十臨。取途傷老馬，聞道愧前禽。
日變風雲氣，春生海嶽陰。趁時聊物賞，此外更何心。

中秋南康

同是中秋月匡廬只自看故臨石鏡上偏傍落星灘
北望關山隔南飛烏鵲寒鳳歌喧太液光憶滿長安

廬山九日

廬山隨晚坐江漢淨秋襟九日黃花雨書堂紅葉深
細雲飄古帙寒兒吼空林不用風吹帽尊前有靜琴

上元滕閣宴二首

滕閣上元宜章江登宴時衣冠還大國唐宋自殘碑
燈火闌堪凭風塵淚欲垂黃雲驅日暮回首見征旗

二

浦通新霧陰城帶古樓君王罷歌舞棟宇白雲留
草色歲年換客心江水流暮昏仍一望燈火萬家州
九日薛樓會集二首

不倦登樓目遙憐秋色重楓村疊暗浦霜日抱孤峯
楚越窻中地江山戰後容倚闌渾不語吾欲採芙蓉

二

恰送重陽日能禁孤鴈來林稀山盡出風順櫓齊開
况是薛樓會難孤江上杯菊芳看莫厭秋色異鄉催

清明曲江亭閣

寒食花爭艷豐江柳獨深此行元慷慨落日更登臨

浩蕩五湖際風烟千壘陰坐看舟楫急徒切濟川心
端午贛州晚發

戲倦龍舟返吾驅彩鷁行晚天開古驛轉眼過孤城
嫋嫋雲生瀨悠悠弟憶兄泛蒲雖念我寧解嶺邊情
南康除夕

畏途值除夕會我得投閒海雪寒城古江春碧草還
星河掛嶽樹燈燭熨歸顏竊計臨家日薔薇滿舊山
南康元夕二首

四海逢今夕孤城有獨身干戈猶野哭梅柳自江春
月向平湖滿燈於靜夜親罷喧風乍起嗟爾禁同人

二

嘈嘈市鼓動松月靜吾門燈火思今夜風光滿故園
天明淹舞袖塵暗失游軒老鬢江山異愁看旌旆繁
元夕風起南康

嶽雲黃鳥夜半忽淒風度市春燈亂穿梅野樹空
人依青岸酌月漾碧湖中擬畫江城賞無欺蠟炬紅
乙亥立秋

今日秋風起連年濕病蘇應時微雨歇侵曉斷雲徂
已復寒蟬集空嗟蕙草孤步檐驚驟健一葉下庭梧

中秋二首

漢江江上月今夕去年看尚憶峴山曲秋城波色寒
故鄉仍節序衰髮且儒別桂子真誰種天空落未乾

二

輝輝衆星沒宛宛孤輪高萬古今宵月青天首自搔
度閨螢息照懸樹鳥分毛寂寞枚乘筆空懷八月濤

戊寅元夕

春色閨冬後元宵驚蟄邊軟塵欺月散繁火奪星懸
車馬中原地笙歌全盛年無勞驗花燼難測是皇天

中秋喜客携酒見訪二首

節有五吾家會天能此夜陰蟾蝓逐月沒桂子落雲深

同是悲秋客况懷天柱心引盃光欲閃徙倚向東林

二

雲出真誰料月行應自如闇然花逕裏忽枉故人車
落葉近坐滿清光中夜舒杯來不須却此意合躊躇

十月月食不見

頻食天應苦當宵地故陰悲生十月雨狂阻萬方心
武解香燈聚霜林鼓角沉復光何處滿願逐翠華臨

已卯元夕

此夜門還閉中天月自看春催桂應發雪映兔猶寒
兒女添鐙鬧隣家品笛殘少時思可笑走馬向更闌

庚辰清明東郭

少日歡游處逢春老大悲強持盃酒勸怕遺落花隨
草木梁園在山河宋殿移上墳人盡返岐路獨含思
九日上方寺二首

賞時爭上塔乘月復登臺地盡中原入天空秋色來
望鄉番恨鴈有菊且銜杯却憶龍山帽徒增醉者哀

二

天地踈秋色樓臺敞客歌遠江寒自白落木晚堪多
月為銜盃出鴻於鳴磬過霜橫不歸去吾意在烟蘿

至日夜雪

深雪幽心獨小堂光雖奪片月寒恐妬微陽
迷翠沾梅祗辨香一聲何處鴈翅濕且高翔
癸未中秋不月

碧桂行青鳳嬋娟集玉樓世人寧解覩天意湯陰秋
雲逼初光布星隨滿夜收開晴即是月但遣一尊留
乙酉上元上方寺

地愛僧林僻人邀燈節游綠塋朝借馬改路晚登舟
春水鳧鷖滿夕陽鐘磬幽相留待明月簫鼓在中流

丁亥立秋

火多常病熱殘暑特相欺今日涼風至颯然林竹披

空齋集 卷之六
聞雞每起早省稼獨歸遲天地蕭條意何須一葉知

中秋亭會

老去真耽月更深且醉游影沾如畏露光冷是分秋
蛩故吟清酒蟾應笑白頭怕星藏不見坐待彩波流

同賦

曹嘉

新亭面皎月高宴列中秋地敞蟾疑動窗空霧自
流杯傾承露掌榻下摘星樓宿客梁園勝今宵盡

醉遊

戊子元夕示甥嘉

皎月臨元夜和風入始春過冬猶望雪思世轉秋人

歌管喧鳴鼓遊車匝暗塵黑頭宜努力吾髮已如銀

次韻

曹嘉

燈光皎河漢寒夜倍生春况是繁華國能堪吏隱
人千家餘鳳管九陌競香塵獨和閒居詠憎看月

勝銀

已丑五日

往歲沾宮扇含香拜玉墀只今飄白髮刈麥向東菑
樹樹鳴蜩日家家望雨時萬方多難意誰達聖明知

五日庄上集

園樹日佳色黃鸝時巧音美人翩紫馬携酒入花陰

艾席鋪能坐蒲觴乾自斟
蜩鳴雖頗聒流轉是天心
乙丑逢先大夫誕辰是歲適蒙
恩詔加贈

製字四十用寫哀痛冬季十二日

老大思童日詩庭儼昔趨
羈孤萬里外優渥死生俱
寂寞臨花誥幽寘列大夫
西雲白蒼莽灑血望松梧
兄以西堂落成蓋悵然有念於二親余心交

痛頌義追德爰成茲詠焉

矯矯江都相淒涼楚穆生
家貧無立業道大不求名
破甑常蛛網空除任鳥行
肯堂兄不忝應慰九原情

讀直道陳公祚遺事

上主能容直當言敢顧身
累朝傳諫劄萬死作歸人
古廟穠花晚孤墳勁草春
從來汨沒士特筆在詞臣

哭郡守郝公

征歛無休日斯人不永年
曾聞溪虎避早見壁魚懸
頌碣留邊郡銘旌拂塞天
九河一孤塚愁絕海門烟

哭張子二首

張子者平谷張子禴也以都御史鎮遼東顯矣
然無何卒李子者張之舊僚也聞之哀焉於是
作哭張子二章語曰歲在龍蛇賢人嗟張之卒
庚辰歲也

虎豹威邊日龍蛇哭兩年故人今若此吾道合潸然
部曲歸旌擁風雲舊國連薊門秋草徧何處是新阡

二

翰海龍真泣遼陽鶴竟歸壯心元鐵石神爽尚旌旒
光繞新埋劔香殘舊賜衣至今生仲達猶怯孔明威

謁平臺先生墓

豈說嬉遊路今成昔雍門平生馬公帳四海孔融尊
劔馬收殘草山河抱古原黃昏不忍去白日下蒿園

温將軍挽詩

不見千夫勇誰開百戰圍門猶森畫戟苔已蝕金衣

俎豆諸郎奮山河奕世輝黃昏兩白鶴偏繞北邙飛
聞鄭生死豐沛舟中二首

短劔英雄氣孤舟疾病身那知生別後竟作死歸人
汴柳詩筒斷江花總慢新白頭交誼者灑淚向殘春

二

客櫬收豐沛歸舟渺越吳扶持有令弟書劔付遺孤
墓草親朋隔山松舊業蕪當年走馬地魂繞孝王都

同賦二首

曹嘉

太初仙逝早少谷暝遊深詎謂方山客同隨秋草
陰野雲飄素幔寒日下空林重念羣芳歇臨風涕

滿襟

已返河梁棹難招楚澤魂何人收旅襯有客酌清樽
浦月沉帆影山花沒屐痕梁園舊遊地風色自黃昏

空同集卷第二十六

空同集卷第二十七

五言律詩一百一首

古意

北郡李夢陽撰

內廐飛龍馬君王賜玉鞭長鳴彩仗下立在紫騮先
放逐緣何事飄零竟不旋如蒙蔽帷顧萬里為君前

賞遊

王者化無外玉門開至今笳閑青海外馬放白登深
漢將收金鼓胡姬弄玉琴宮中花月夜那稱賞遊心
客散

尊傾客自散而我卧空林五月涼風至孤村細雨陰
竹蘿垂野逕花草澹幽襟夢醒聞遙唱依稀楚鳳吟

游兵

聞道新開口遊兵未解圍只須殊死戰莫放隻輪歸
漢月已自滿林鳥常夜飛早將書插羽天子日宵衣

省中春暮

禁漏烟花北分曹御苑西高林落日盡幽院集鴉齊
豈貴浮生趣常便靜者棲坐憐春事晚庭草日萋萋

觀雪省中

自葉辭寒盡庭花向暮飄黃雲變玄朔萬里入層霄

灑地紛紛密凌虛脉脉遙北風聊可詠携手不堪謠

聞砧

逸響緣雲起清砧入暮繁秋風吹落葉萬戶更千門
寧知寄遠意不盡搗衣魂早晚逢西使流沙隔塞垣

旅夜

百卉已蕭索哀蛩胡未休寒天清渭樹落月故鄉樓
古人猶涕淚吾意豈公侯雖離南去鴈漂泊向何州

除架二首

種豆高於屋垂瓜忽滿庭根深歷夏茂蔓弱望秋零
猥雜沉霜露縱橫礙月星芥斤呼稚子欲伐幾回停

二
炎時忻密葉寒至怨多陰自是衰榮理非關愛惡心
伐條近陽月開牖散秋禽但能存碩果無用嘆蕭森

詠史

霸王雄圖並淒涼世徑分鯨鯢赴巨壑鷹隼失高雲
難折朱游檻休嗟袁紹軍當時干帝紀一一動星文

望極二首

望極雲天黑關門落葉深古城饑雀啣長路斷蓬沉
嫠婦登樓思孤臣去國心此咄咄看故壘何處不沾襟

二

漢末忠良顯英名李杜齊伏機翻自中倒柄為誰携
珀石海鯨鯢鬪蒼林虎兕啼南州徐孺子何事獨栖栖

定居

故業秦山北新居梁苑西平生一丘壑何處竟安棲
玄豹終隨霧神龍或困泥向未登眺夢常繞杜陵溪

歸沐

歸沐謝人事偷然悲俗情陰陽爭歲色江海蓄春聲
自垂青雲懶那教白髮生君看少年者驅馬盡飛纓

春日大梁東郭

桃柳晴沙晚悵然悲遠春葉明深坐鳥花劇轉愁人

空同集 卷三十一
少小追歡地乾坤放逐臣已看共如此何惜醉遊頻

雜興

衆木依繁塔吾亭俯蔡河便思雲驢渡不忍黍離歌
窻裏遊天地春前種薜蘿養生誠計拙冥寂保天和

登臨二首

屏迹良吾性逢辰每壯心花含向日霧柳變隔年陰
行坐自芳草依樓還蕉林高樓出迥絕無日不登臨

二

春燕不巢屋國祥徵至今孤城四戰地斜日兩河陰
岸坼陳橋斷花開宋岳深河船不入渭那慰望鄉心

雨後朝望

半夜雷驅雨清晨草映空起看南仆樹知是北來風
宿霧籠初日晴天滅斷虹劇心時序晚遮莫傳岩功

早春繁臺

泯泯春猶早行行賞不違柳黃沙際見草色雪中歸
積水生雲氣孤城下夕暉誰禁臺寺望北鴈又將飛

早春南郊

正月郊南路獨行吟早春冰霜猶在眼柳色暗隨人
直道元通蔡層山故蔽秦浪遊今短髮疑望欲沾巾

郊行

午雪融村溢春沙引騎紆田禽忽自起水鶴會相呼
歇馬時傍柳逢花自倒壺醉眸橫落日寂寞宋京都

時事

幸覩三春媚畚增兩鬢華賊來當白晝風起但黃沙
碧甍依墻竹紅殘拂檻花寄言寇盜者四海尚為家
被繫國境眺望

亦知蹋翼鳥豈意尉羅求萬里勞明主孤臣淚暗流
臨京花更苦近苑柳偏愁愧爾雲間鴈銜泥向玉樓

下吏

弘治辛酉年坐榆河驛倉根乙丑年坐劾壽寧

候正德戊辰年坐劾劉瑾等封事

十年三下吏此度更沾衣梁獄書難上秦庭哭未歸
園墻花自發鎖館燕還飛况屬炎蒸積憂來不可揮

獄夜雷電暴雨

一雨暮何急孤眠宵未央疾雷翻暗壁落電轉空梁
勢極千山動光還萬里長天威終不測魑魅可潛藏

獄夜

簷景栖栖落臺居黯黯幽鼠緣爭果墜螢過隔衣流
幸竊餘光照那蠲多穴愁亦知廣川子跼蹐為春秋

南征

暑行心日煩孤馬背中原地勢吞淮泗山形包鄧樊
沿途官柳接吟葉麥秋繁赤日蒸雲夢科頭思故園

野戰

盜賊乾坤滿縱橫野戰悲隨城嚴戍鼓平地有旌旗
樹燕閑相逐垣花寂自垂諸君大河北捷報幾時知

野泊

遠雷明江夜官舟野泊稀山鐘天外落林火雨中微
水立黃龍鬪沙霏白鷺饑平生萬里志柰可夢西歸

舟中病感

寒望舟中遠鄉心病後多萬山通越水孤棹雜吳歌
霜已丹楓甚吾如白髮何倦遊常藥物歸思繞關河

安仁聞夜哭

縹緲因風訴哀哀何處音聲隨落月斷聽入過雲深
轉戰增新鬼誅求損衆心懸軍今更急寨滿碧山岑

得家書

隔歲纔通此一書真萬金時危作宦久家遠戰場深
慘慘也黃霧紛紛走綠林怒來思擊楫時有渡江心

報生孫

強仕今爲祖家書昨舉孫行藏三代具生養九朝恩
長但修蘋藻愚從喚犬豚見時應解笑先夢繞夷門

徐汝風阻雨雪四首

風急江船絕，年殘野色凝。
密雲寒夜杳，流霰灑舟燈。
四望湖天黑，孤吟羈思增。
芻村有夫婦，對火綴魚罾。

二

南雪竟為雨，北風增野寒。
漏船喧夜語，攤濕攪晨餐。
轉苦人烟絕，生憎鷗鷺乾。
吾行尚濡滯，估舶爾應難。

三

阻舟江柳下，信宿五湖中。
立水偏吞雨，飛沙半逆風。
夜檣扶岸集，漁火亂波空。
信有悲歡異，應知易地同。

四

客煞厭風波，雨雪空江夜。
伊予悲慨多，沙人荷傘至。
灘鳥掠舷過，幸及投簪會。
山中有薜蘿。

徐汝阻舟七日

七日北風阻，野灘舟不行。
僕奴增餓色，妻子話征情。
踈霰欺簾入，流澌逐浪生。
獨吟江更苦，詩罷欲三更。

湖夜泛

煙湖迥不極，搖搖中夜征。
棹撥魚龍動，人衝鴻雁鳴。
雪月物意慘，雨天寒色生。
共有舟航事，誰深途路情。

廬山冬至聞雷

小至匡南雨，空江此夜雷。
仄憂羣蟄震，急恐萬山摧。

盜賊時事苦陰陽歸思催征鴻莫遽起擬爾北同迴

雪夜廬山三月

廬山萬古月幾度雪邊明影傍素林滅層隨寒浪生
蔽岩疑有缺侵鵲暗須驚轉恐羣星妬冰壺獨自行

南康聞還山之報

傅玄非侮世陶令合辭官客路青陽逼歸心白髮寬
江城消雪送春鴈倚舟看自此茫茫去都門昨挂冠

江州雨

潯陽困李白吾寓亦江州地轉濤聲逆城空山氣流
二義風雨積雙鬢古今愁去鳥衝烟白偏迎故國眸

霽

日霽催江色心攀作楚垓褰帷二載過歸劔五湖情
霜換湓溪葛林遷粟里鶯忍看復新月廬岳夜猿鳴

七夕宜城野泊逢立秋

漢江天上水牛女世間宵自動龜鼉影誰傳烏鵲橋
孤城古塞月一葉楚門潮君看西流火分明奪斗杓

撥悶覃園

秦客楚山北秋園古堞西野風吟萬木禾徑卧孤麕
江漢歸舟迥關河落日低可留吾便醉爲愛白銅鞮

野風

山鳴野風至漢水白蕭蕭月洗魚龍醒雲蒸豺虎驕
有家驚節物不寐想前朝萬古英雄跡江城夜寂寥

早起

炳燭搖寒水開門認楚山風雲慘淡曙天地有無間
露益他鄉白秋隨老髮還飛來何處鶻逸翮繞江關

繁臺歸集

萬里竟何事三年違此都短牆殘菊在別業古臺孤
冬日低簷塔相風靜野蕪但看頭盡白莫恡酒重沾

繁臺歸興

臺榭歸來地江山戰後心城空猶募馬樹在只棲禽

著情偏近俯河寒更深風沙白日起梁父爲誰吟

正月十六日赴吳庄之宴二首

林卧百無事出城緣底希人初正月會春已柳條歸
就日蛛垂戶開尊蜂坐衣不知農話久天地一斜暉

二

爲赴吳庄飲因成禹廟遊住車驚草綠坐石有雲流
落日銜春嶠飢鴻集暮洲已扳頻載酒展轉問花丘

早春赴鮑相之飲

憐汝一尊酒要予千古臺年從碧草換暖向玉杯來
海日連波動江鴻帶雪迴衆賓無遽起吾醉欲徘徊

初春飲大道觀因題

日月浮生改山河此殿餘酒因儒彥至春入洞雲虛
何藥會祛老求丹尚問書白頭風物裏爛醉是真如

宿江氏庄

黃昏水鶴叫沙頭人跡稀天清看月近野闊帶星微
客語喧庄犬風燈靜夜扉持醪忽自哂出郭每忘歸

題壁

客到惟鷄黍農情愛汝真隔城因下榻曠野合留賓
騎苑沙明月鞭橋柳弄春忍能辭一醉天地漸風塵

春日余庄感舊二首

園勝元因主花敏亦更屬晴醉重今日酒啼變隔年鶯
遇樹每共生尋香時自行晚看風色異天地一含情

二

名園多感激繼至轉芳菲節恨清明逼人憐故舊稀
暖烟低野淨雲日度花微莫漫愁春賞吾今已拂衣

雨過

賈誼作
早雲賦

倚杖河城暮林園雨過清斷絲猶舞燕入葉已沾鶯
無惜聲連夜何妨坐到明早雲吾欲賦愴惻爲蒼生

雷電

丁丑年十月十
三日是日立冬

雷電交冬夜滂沱徹曉聞老夫偏不寐起立迥看雲

濕重菊垂檻鳴哀鴻起羣明朝傳太史應有紀祥文
喜雨客會

萬物今逢雨吾堂晚集賓寒聲催電至猛力攪風頻
坐看水平席歸防泥沒輪沾濡無自苦憫憫是農人

晴

雨好晴亦好灑然詩興新雲分天欲斷日是地如伸
濕入紅渠重乾回棗篠勻起時樓可上萬里不風塵

曉

北斗脚下地東星明漸高霜初被山岳霞已閃波濤
塞鴈能羣過隣鷄只亂號不眠聊自待紅日上林臯

早起庄上

爲農起常早每與鷄鳴期露重花偏得林深鳥自遲
飛星當面過落月向人隨玉珮金門外遙憐待漏時

庄上晚歸

萬動各有息吾亦念吾棲鴉翅昏猶接花蹊曲欲迷
草堂烟火外稚子竹林西自笑忙何事還家每宿鷄
新秋夜興二首

微風入枕簟林卧仰看星露氣秋元白天光霽益青
草虫攢暗壁螢火閃踈樵那解蕭森節都從一葉零

二

猶記初朝歲寧知遽數秋庭梧碧自落晚蕙弱誰留
門閉人同夜心西火共流閒眠亦反側霜露隔松楸
深秋獨夜

獨夕偏聞鴈悠悠寢復興林堂下微月風色暗踈燈
遲暮心難已悲涼氣轉增憂來理琴瑟腸斷舊朱繩
郊園省水二首

莫辨田園路聊遵水國遊物情真困雨吾道本滄洲
避潭紆尋徑逢深屢借舟草玄亭好在坐數自來鷗

二
斬木聊供釣當流且着闌鷄豚各惆悵鵝鴨爾能寬

松菊園元亮江湖陸務觀兼之吾過矣魚鳥鏡中看
余園春日

市居常少出花日復多風萬古繁華地三杯感慨中
步畦憐小摘攀樹惜初紅靄靄微雲外哀哀何處鴻
河上秋興十首

古有蒹葭客吾今水一方茅齋寒泚泚洲渚鬱蒼蒼
獵騎捎河鴈歸人競野航霜高木葉下莫擬是瀟湘
二

坐送登臨目晴空鳥路長秋雲不近苑官樹自成行
河洛來天地人烟接渺茫采蘭空澤裏彼美在何鄉

三
日上秋林靜江清旅思微黃葉雨後積白酒客來稀
今古三川地乾坤一布衣獨行吟望苦沙鳥背人飛

四
名城急鼓吹野處散秋烟衆草莽零落孤松羞自妍
山川亂明水雲日媚高天何事楊朱子臨歧獨泫然

五
後代看今代今人卽古人空傳歌舞地不見綺羅春
宋嶽饒寒草梁臺起暮塵蒼茫白鷺渚瀟灑類閑身

六
白馬瓠子口秋風汾上歌帝鄉不可見千載白雲
樹動江帆至雲前塞鴈過滄洲無盡極慷慨有漁蓑

七
十載宋梁間鷄鳴望四關月來天似水雲起樹爲山
朝市今何處流波去不還高秋未歸客腸斷濁涇灣

八
一爲菜地客忽及授衣天野靜寒烟白沙鳴暮雨懸
飛龍過絕浦立馬看長川望望蘋花盡鷗行若箇邊

九
積雨催搖落江村菊自秋驚風振大壑失鴈下寒流

暗水斜穿竹孤雲晚抱樓虞卿足簡帙白首傲公侯
十

不寐傷寒節孤吟繞菊行月沉李家浦雨入宋王城
颺香楊柳落斷續寒蛩鳴泛泛中河艇誰知此夜情
閒居寡營忽憶關塞之游遂成七首

牢落居庸道蒼茫六載還開軒延漢使對酒話燕山
鳥道增新戍天梯護上關白城烟火切鎖鑰未應閑

二

西崦千家落防秋五百兵山長元入塞澗曲故穿營
靜夜聞熊鬪黃昏報虎行昔時快歷覽三駐白洋城

三

沙嶺為黃華東路

沙嶺長園入羊腸宛宛斜石危偏駭馬草動數驚蛇
古樹兼今樹岩花雜澗花向來行塞日親見五陵霞

四

是為西路

往年趨北路今繞秦陵西書黑垂蘿密山青禁木齊
獨僧攀杪出怪鳥趁陰啼寂寞黃華堞遙臨古塞溪

五

黃華牙將張桓

孤蓬絕塞口匹馬戍程前跨迥烟墩直緣危石棧連
飛雲下獨石逝水入潮川舊對張軍帥題詩醉菊天

六

銀山湯嶺北鐵壁斗門邊虎守千年寺人看一線天
赤崖崩古塔陰洞圻新泉尚記漁樵侶長歌過馬前

七 弘治辛酉二月之望宿
銀山寺觀鄧隱峯詩刻

春遊臨絕嶠月出卧空岑暫逐山中客常關物外心
三峯藏淨宇百里羨雲林崖際劃高隱何時一重尋

夏夜

閣幔霑初霽雲姿淡夕扃涼蟾輝遠樹昏斬上下流螢
久靜通幽理沉思損性靈昔人渾未達白首著玄經

寄書

驛使殘年發家書向夜封當衢斬騾裹涉水憶芙蓉
紙短情難盡鄉遙恨易重孤燈遲明發寒月下疎鐘

春宴

白首聞歌異豪心遇酒多酒當花歛灑歌與燕婆娑
暝色侵臺殿春風換綺羅未須愁薄暮吾借魯陽戈

熊子河西使回三首 是時甘軍殺
都御史許銘

偶遇西河使真傳塞上情一春常凍雪千里半荒城
未斷匈奴臂猶勤哈密征重聞帳下變無語對沾纓

二

絕塞田誰廢甘州稻舊畦荒屯惟見瓦破屋不聞鷄
磧石烽烟北祁連戰鼓西平生邊務意一一願封題

三
舊談窮源使人今出武威蒲萄應啖足沙棗故携歸
燧火真憔悴胡塵尚黯衣問君春塞鴈曾過玉門飛

汴城東樓夏登二首

身世吾垂老中原此上樓陰陽真去鳥天地本虛舟
王屋千峯伏黃河一線流晴沙暮浩浩羨爾自行鷗

二

危樓六月上樽酒四天開俯看嵩雲動涼疑海雪來
巒光杯裏見鳥影檻邊迴不見芒碭氣空深吊古哀

田園雨蕪客過三首

車馬人來地田園雨後心顏垣踈柳卧漏屋野花信
稼穡悲生事琴樽伴苦吟自無農圃學不敢怨商霖

二

地下經年雨田乾滿目蒿繞籬荒苦竹小架刺蒲萄
閒寂人還至壺觴興並高草途烟欲暝猶遣貫村醪

三

廢塢權能勝羣游百任爲持竿探乳雀擲石打黃鸝
落果呼兒拾逢花折自隨黃昏休擬駕郊月已曾期

空同集卷第二十八

五言律詩四十八首

大道觀會飲三首

北郡李夢陽撰

敞閣元無暑清林更著煙人觴金像側馬繫石門前
碧草侵衣冷壇花落酒鮮丹青半磨滅何處問諸天

二

殿閣生秋早壺觴散客遲蟬吟松露下鶴入島雲隨
塵世人堪醉蓬萊路竟疑羨門如可作願與跨青鸞

三

與客舉瑤草開筵傍洞花盤堆白石髓觴瀉赤城霞
靜悟陰陽轉衰從髮鬢華看君有仙骨倘許授丹砂

春日漫成

豪真欺酒綠老每厭花紅人事年年異春風物物同
雲霄猶旅鴈時序又新菘潦倒元吾分金尊莫放空
人折牡丹見贈賦之

俗眼開爭折花心抱自知色新兼露至香在有蜂隨
老病傷春日乾坤倚杖時落紅紛紛點點忍把出群枝

客至二首

宛宛酒船至依依小隊過亭於草玄近溪比浣花多

繫馬穿芳樹持杯向碧蘿更謀泉上飲無遽促鳴珂

二

訪隱春行早衝風野興豪鹿銜初出草鶯坐半開桃
一叟煙霞僻羣公位望高浚郊元此地今日又干旄

春日宴崑崙王子園池二首

物與吾何異春隨地不同游歌盡墨客亭榭半花風
身世一杯外山河雙眼中無言時未夏已報石榴紅

二

老爲春憐酒閒將客問花檻楊晴故雪堦藥晚能霞
地與歌鶯轉人爭舞燕斜但來須共醉莫使負韶華

再過崑崙王子園池疊前韻二首

昨與君游處今來訝不同
早荷浮嫩水夏樹起初風
人醉孤亭上禽鳴萬竹中
興深天亦助斜日片雲紅

二

舊徑添雙樹新叢試一花
春風逗笑語落日變雲霞
圃色隨人遠樓陰趁酒斜
誰知在塵境遽爾隔紛華
丙戌中秋召客賞之以雨多不至者

隔年期月易一夕借光難秉燭
筵非改登樓客不懼
竹風秋聽力松雨夜留寒
天柱峯頭色應還似畫看

丙戌十六夜月

是夕微雲中天遂朗因憶往時京華賦詩有清
虧桂闕一分影寒落江門幾尺潮之句人多傳
誦彼吾少俊今遠老醜并前詩忘之矣亦以集
未收載

月豈無晴夜天終有散雲
微微透今夕朗朗至宵分
鏡展池波暈珠明草露文
呼兒煖餘酒酌罷一鴻聞
東園偶題

孤亭萬木裏獨坐一花飛
老更知春色閒能到夕暉
微風偏嫋蔓返照故燠衣
隔院香逾好呼兒莫掩扉
南庄塘水渌漫補治小舟乘興泛遶數迴

久懷浮海意偶觸濟川心一艇方塘繞杳然春水深
桃花能泛泛雲日故陰陰還艤綠楊下畚憎黃鳥音

月槐之下與程生談亦念其夏游自去歲

星斗來天近塵沙去路遙別情兼望雨白首夜頻翹

二

旱時偏苦熱沙國每愁風今夕客談處孤槐清月中
露凝天故白榴近夜能紅明發衝南暑逾江莫更東

秋雨夜起

簷雨響不絕披衣中夜興與寒聲壓高閣濕氣逼疎燈

一鴈叫何處數蛩吟可憎誰能奮長劍割破黑雲層

聞鴈

慘澹胡風起連鳴上碧霄纔聞秋浦外已復夕山遙
哀故欺霜角清應斷夜簫南樓有思婦夢恰到西遼

同賦

曹嘉

連翩升紫塞嘹唳過秋城帛染傳書淚砧催搗練
聲雲深飛摠近風細落還輕此夜高樓笛懷人幾
度橫

喜雪

老健來能著寒吟雪故行袖承花數出履蹴霰求聲

飄卽諸山壓填應四海平久知三白貴吾已十年耕
數上聲

朝雪

怪爾梁園樹先春忽自花態多低復起形弱直還斜
祇解光迷鶴無能色變鴉玉樓銀闕裏汝敢鬪瑤華

雪晴

餘雪且休騁高空微欲曛盈盈看玉樹澹澹入黃雲
奮激鵬連起啁啾雀自羣嚴風暮益發天隙認星文

暑夜

微月通簾閣踈星下檻塘樹陰交進濕水氣暗生涼

歲月一陰長乾坤雙鬢蒼北窗聊復爾敢謂上義皇

風

鈴閣晚猶急月窻宵漸輝稍驅雲霧散翻重雪霜威
起坐爐須擁晨看木盡稀徘徊問氣勢恐逼漢宮闈

春夜雪

獨客初春夜孤城急雪時戰風纔白地欺月已平池
數聽鴻飛亂虛愁花發遲世無戴安道誰見剡舟移

餘雪

飢鳶側目過餘雪且紛紛風起惟催霧天空故縱雲
回聲捎竹細疊片壓枝分憂國非吾事占年亦自欣

春雪時 帝在宣府

鴉鳴曉雨至零亂忽成花着地融難白隨風弱易斜
色應疑燕雀寒恐滯龍蛇塞路今休擁春風返翠華

立春日雪

獨有梁園雪風花賦裏寒婆娑遇春日醉起倚樓看
鳥動紛離樹人來故上闌相逢亟農事誰暇問袁安

鸚鵡

鸚鵡吾鄉物何時來此方綠衣經雪短紅嘴歷年長
學語疑矜媚垂頭知自傷他年吾倘遂歸爾隴山陽

詠部鶴

寄跡含香舍淹情嘉樹林長鳴如有訴狎俗到如今
不染風塵色常存霄漢心會應王子晉接爾向嵩岑

詠鶯

姍姍花絮亂交交黃鳥歸慙慙度碧葉迴轉惜金衣
不向艷陽語似傷儔侶稀王孫多彈射莫羨上林飛

詠白兔

趑趑來何處爰爰上玉堂不因丹竈躍那覩雪毛香
晝日行疑月炎天卧有霜異時歸搗藥莫礙廣寒光

鴈

旅館經花夕哀鴻時一聞孤鳴元趁侶亂語欲驚羣

漸起隨邊角，遙傳隔塞雲。更深何處落，斜月轉紛紛。
衝鴈

可怪鄱湖鴈，昏飛獨自羣。乍翻還近舸，忽起盡隨雲。
浦澗看宜小山長，去不分祗疑南下盡。猶阻北書聞。

白鴈

八月白鴈至中宵，聞爾哀亦知。先伴起無爲報霜來，
月靜飛難見，雲深去不回。故園消息斷，愁病轉相催。

襄中見鴈

秋風羣鴈過萬里，順歸毛搖落已如此。雲霄空自
盈盈拂楚塞，冉冉影湖濤。定出邊烽裏，哀鳴嗟爾勞。

菊

日麗秋霜白，天清野色黃。亦知甘隱逸，偏得近壺觴。
屢折元因醉，斜簪一任狂。乾坤傳舍耳，節賞莫思鄉。

菊時一種數十其逾秋獨妍爰及至日黃

華韡然當庭，日尤者駭嘆。携酒來賞予，賦二詩。
節過諸芳盡，冬深爾獨妍。那知冰雪候，復敞菊花筵。
葢凍黃逾嫩，枝踈綠更鮮。試令彭澤見，應費掇英篇。

二

正色干巖候，殊姿破峯寒。名均梅自妬，節晚竹同看。
歲月陽回易，冰霜爾立難。無言載酒客，繾綣近闌干。

菊遲

吾家數叢菊節近未含姿種日人同早開時爾較遲
編籬護密葉繞砌嗅寒枝切恐重陽至無錢足酒卮
文菊和王左史

文菊今朝得低垂九尺闌發遲冬已破移早露猶團
殄盡辜難及憐芳仰屢觀縱令他處有爭伴醴筵歡

葡萄

舊榦踈曾訝新條密更垂苑花深悄悄風葉漫披披
馬乳秋同摘龍鬚世豈知相傳自西域種雜至今疑

聞蟬

夏林跡過雨秋意爾能知響音入雲俱迥聲迴風故吹
抱貞唯隱葉避害屢跳枝多少垂楊裏爭吟日暮時

詠蟬

孤清不自掩泥露且風吟漸送炎蒸月那知獨苦心
傍齋棲樹穩響葉度雲深已信一枝足何須上國林

詠庭中菊

亦隨羣草出能後百花榮氣爲凌秋健香緣飲露清
細開疑避世獨立每含情可道蓬蒿地東籬萬代名

小燕

小燕羣騰壘朝游夕每歸踏枝搖復穩疑路止還飛

日月銷黃口風雲長黑水吾家廬室隘好向玉樓依
小雀

黃口青條上翩翩索哺頻解飛猶趁母真性不疑人
列鼎看涖待空城彈射巡野田禾黍徧何處不宜身

小鵲

簷際翻翻鳥將雛啣啣行攬眠真懊惱傳喜不分明
化印何年就填河幾日平徒然盛生息羣噪每能晴

排律三十首

華嶽二十韻

有嶽雄西土三峯插渭川省方朝白帝分野障金天

逝矣威靈赫遐哉秩望虔百王開寶錄七聖演瑤編
綺殿丹青列文窻俎豆聯風雲蒸大壑日月避層巔
驚舉天門闢鰲呿地軸旋巖巒莽翕沓嶺障鬱繚翩
猿掛仙人掌蘿飛玉女泉霞雰夕的皜錦繡曉相鮮
葛藟搖金壁芝苓冒紫烟石膏滲復結鍾乳滴猶懸
右壓秦胡壯南包漢鄧偏徒追散馬日緬憶祖龍年
箭括通神戶雲臺秘妙筌豈惟棲鳳侶亦以遯鴻賢
方士騎茅狗宮人採石蓮褰帷瞻窈窕拄笏悵攀緣
陰井邀雷馭陽崖起電鞭聊遊凌絕頂不爲學神仙

新秋值雨十韻

積雨塵營寡端居羈思不火流驚暗換鶴濕想孤騫
鬱暑終收虐新涼已破煩覓詩謝眺閣高枕右丞軒
簷溜衝花落離湍卷葉奔隨龍動玉闕辨馬失金門
胤案螢那聚歐齋蛩已喧造朝疎雨具邀友阻吟尊
塞國柳應盡上林花幾存忽思禾在野躑躅望朝暾

五月大雨省中八韻

五月行秋令新寒奪盛溫萋萋雲色暝颼颼雨聲奔
啓戶涼風進臨溝驟浪喧連山浮海氣大陸走河源
已阻金門謁疑將華屋翻夜雨文燈燭坐晝輟簿書煩
霽霽思長劔歸栖憶故園解誦愁霖作泥中非道言

紀變二首

建中月慧出掃寒芒勢掩旁星布光於中夜長
連斥竟大老密奏合文昌台以司空坼星知上將亡
流通人事邇仁愛帝心藏忽憶臨崩詔看天淚數行

二

太白今宵見光芒何太明經天復晝見國難且胡兵
度影休銜照低空幸隱城天高聽亦下人勝運須更
避殿惟皇切推輪遣將誠羯奴行就縛飛慰諒闇情

冬日靈濟宮十六韻

貝闕崑崙外浮生此路疑蓬萊移禁國塵世出瑤池

叢爾雙仙跡飛騰後晉時論功竟恍惚識兆且逶迤
從憑精靈託呼噓靈靈隨先皇親議號繼聖必修辭
爵陟王侯上尊同帝者師龍襦分內錦宮女準昭儀
雨露宮城切星辰天仗移琳琅搖繡拱松栢蔭丹墀
瓶內金花踊龕前紫鳳垂晴還日月秘暝則鬼神悲
玉帛推龍虎瑤編述姪兒漢惟樂大顯秦竟羨門欺
五帝非無術千齡今見誰累朝盟誓用玉櫃少人知

簡何舍人二十韻

黃扉通內閣左順切文華密勿君臣契尊崇禮數加
詞頭存故事國體與宣麻奏紀銅函密封非墨勅斜

四門欽舜闢隻日鄙唐邪乾斷人心協風淳主德遐
萬方成就日六合迥爲家司馬元牛走卧龍曾兔置
吹噓振羽翮變化奮泥沙邦計思劉宴兵謀愧左車
分番春扣闥捧牘晚歸衙影拂垂城草香携出苑花
雙言經違白虎投筆困青蛇每憶仙池鳳私慙省樹鴉
拘羈那有適追琢異無瑕不忍醒爲醉胡由玉倚葭
聖朝巢父耳荒里邵平瓜稔抱丘園欲私祈紀運嘉
鳴文極燕許熙載老姬牙帝澤川歸海浮雲莫蔽遮
少傳西涯相公六十壽詩三十八韻

龍馬千年會崧高萬古神負圖曾翊聖間氣又生申

穎拔元無敵清修况絕倫生來近日月齟齬上星辰
懷橘休前輩探鏐祗後身早承金馬詔竟冠玉堂賓
講幄時霑醉官坊數賜珍文章班馬則道術孟顏醇
絕藝邕斯上高情頡籀隣一揮驚霹靂隻字破風塵
絢練王侯宅蒼茫海嶽濱幽劔光沕窟巨榜照嶙峋
星燦將軍碣雲垂學士珉崖題半吳楚墨刻徧齊秦
振鷺天衢麗登龍野服臻諸生彌濟濟夫子益循循
江漢誰堪濯桃梅自有春空傳馬融帳真慕介休巾
憶昔逢先廟援公輔大鈞至人虛密勿君子以經綸
商鼎調和切虞庭吁咈頻八方生氣象萬物荷陶甄

宴離黃閣鷄鳴侍紫宸羨分紫駝背袍錫錦麒麟
顧命留元弼今皇禮舊臣屹然匡社稷公論在朝紳
鶉首星躔徙龍飛歲序新風雲回甲子天地慶茲辰
却老形如鶴憂時髮若銀含悽麾賀客雅志爲蒸民
愚也蓬蒿士蕭條塞鄙人猥蒙噓弱羽從此躍塗鱗
原憲終多病彭宣晚見親臨洋徒嘆惋學步轉遭迤
寶繪開蓬島清歌頌大椿微涓寧溢海撮土詎增岷
古意同如此中懷托具陳願爲金石檝永永濟迷津
在獄聞余師楊公誣逮獲釋踴躍成詠十韻
六苑中丞府三邊大將旗先皇親授鉞報主獨奉帷

朔漠威名壯風霜髮衰功高元避賞道大不容時
丞史輕周勃朝廷重子儀未論遭鵬鳥先已縱塗龜
北固潛夫早東山起謝遲蛟龍沒海闊日月倒江垂
杖履金山寺文章鐵甕碑終頒陸贄詔四海漸瘡痍
赦出館李真人別業顧侍講清暨汪編修俊
俊弟編修偉許枉訪不至十韻

開業傍仙宮逶迤金闕通綵雲偏近日瑤草盡含風
野性耽沉寂携遊想數公秋林葉自落露井果猶紅
搖筆憐清景吹簫望碧空寒山萬井外滄海五陵東
卻笑籠鵝侶番成失馬翁生涯真畫餅故舊各飛蓬

對食懷金馬開筵列玉童不知東閣士清論幾時同
赦歸冬日宴劉氏園庄十四韻

脫難旋疆里行歌入宋中陰陽雙轉轂天地一飛蓬
憶昨遭拘繫悲傷途路窮鄒生猶雨雹列子竟乘風
歸作墟中叟來從河上公壺觴聊假日村塢坐書空
卜築劉園麗芳菲漢苑通冬亭饒霧露陽井下霜虹
候煖冰桃熟林空晚柿紅玉芝穿曲檻青篠蔽虛櫳
樂極悲心發時違感慨雄古人隨蔓草吾道付冥鴻
去魯情難忍遊梁跡豈同重思竊符子攬淚宋門東

冬至劉氏園庄十韻

曖曖寒城曙，繇繇野徑紆。初陽升古戍，白露靜園蕪。
欵客琴尊並，開堂松樹孤。登高望雲物，極目散江湖。
孟澤虵龍伏，芒碭鴈鶩呼。行藏虞氏傳，勲業阮生途。
且盡留連飲，休嗟序運徂。群虫迎節動，百卉待春蘇。
日月悲羈旅，乾坤識故吾。寄言招隱者，斯地有潛夫。

冬野觀射三十四韻

繁臺一名講武臺

雲驥橋邊路，繁臺寺畔亭。登臨壯古昔，時序嘆沉冥。
乍見芳草歇，那堪霜霰零。冬殘柏自秀，春逼柳先青。
叨有衣冠會，能教酒盞停。狂將賓作主，興與醉爲醒。
講武仍存記，威弧合準經。鵠違遵取解，狙獲放懸庭。

夫勁風推疾，弦開月避形。奔狸失故窟，矯鶴墜生翎。
疊衣無單中，虛歸必染腥。叔才羞縱送，蒲弋媿娉婷。
大志矜先捷，高賢哂一丁。雖非尚力藝，亦異養心靈。
改服遊荒寺，携壺扣寂扃。雪光搖凍薄，冷鳥下昏汀。
宿鴿爭高坎，鳴鐘出石櫺。哀因樂乃發，慮以道爲寧。
憶昔遊梁始，伊余實孺齡。探鏐遊汴館，懷橘向王廷。
十五飛觚翰，冠年志典刑。彎弓獵草澤，走馬向林坰。
頗類沙頭鴈，還慚水上萍。謬隨朝日月，過舉犯雷霆。
擯斥傷垂鵠，棲遲學聚螢。無論顏灼灼，已是髮星星。
岩眺殘雙屨，川游寄一舲。烟霜日慘慘，河漢夜泠泠。

感舊聊今詠勞歌啓後聽世情真箭括吾意竟雲軒
嗜武非良節擣文豈至馨緬思羨門子永慕令威丁
海帝金銀闕江妃碧玉瓶終當別茲土長嘯入滄溟
六月豫章城角樓宴集二十六韻

逃暑宜高會登城復此樓開窗萬里盡近檻一江流
域勢銜天闊山形抱郭幽登臨出百越指顧見東甌
暇日羣公集飛軒六月秋管絃邀落影觴斝散清眸
俯崑雲偏擾迷波地欲浮時花紛浦淑昏鳥識林立
忽在三辰上真超萬象游寰區憐溷濁車馬鬱喧啾
解帶烹魚飫揮毫藻麗酬微風閒白羽岸幘送沙鷗

自昔觀中宇洪都實上游匡廬巍萃律彭蠡浩漭漭
節鉞唐開府春秋楚大州文章騰閣最風節穉亭優
下榻塵埃滿鳴鑿樂事收濤聲還粉堞草色自芳洲
已有興亡感兼懷盜賊憂羽書諸道急節制大臣留
立見鯨鯢戮私防玉石仇干戈沉戰艦風浪羨歸舟
河嶽縈三晉秦關啓二周凭闌慙後食彈劔想前修
解組陶公性思鄉王粲愁獨嗤非燕領猶自說封侯

鄱陽湖十六韻

太祖平陳日樓船下此湖波濤留壯色天地見雄圖
水上開黃屋雲中下赤鳥士猶詢後載戈已倒前徒

力屈鯨鯢仆聲回鴈鷺呼橫江收玉筍跨海定金符
文軌遙通楚梯航訖至吳虎賁雖莫敵龍戰豈全辜
血染猶丹草骨沉空白蕪汀洲夜寂寂霜月鬼嗚嗚
殺氣鼉鼉徒腥風烏嶼孤曾人拾古鏃艇客慨秋菰
偉彼高光烈還將蕭鄧須英謀協睿筭勇奮想長驅
劔瘞神仍王舟焚勢與徂康山魏廟在忠武激頑夫

哭徐博士二十韻

乾坤風色暮江漢哭斯人棘寺翻飛日文園久病身
數竒官竟左材入命須貧放浪原違癖羈淹祗為親
赤城終羽節璧水暫儒紳鵬鴉偏垂翮鯨鯢不縱鱗

回殂豈道薄屈憤轉時屯藥石竟能返龍蛇誠亦真
楚狂嗟鳳鳥魯叟泣麒麟邂逅京華始風雲氣象新
蓬鶴陪玉筍倚馬接華裯宅燕南陽月花吟東部春
回頭成宿昔開眼漸風塵妻子今誰託文章後益振
王喬跨鴈鵠傳說化星辰松栢丘墳岨沙劍馬陳
閭門寒擊甕吳水痛沉珍宿草扁舟阻生芻絮酒伸
碑非蔡邕愧誅豈仲宣倫獨把延陵劔吞聲淚滿巾

南浦驛見官押送來降韃靼詣桂林

歎壘因王化投荒荷主恩官為供廩餼詔許挈兒孫
瘴雨凋胡服蠻鄉引塞魂分明共日月耐可異乾坤

慘淡顏容變軒昂故性存彎弓望五嶺似欲遂平吞
貢院雨夕東僉察內江李君十四韻

鎖院春霖積分司湖水遙萋萋灑書閣藹藹度空寮
葉洗臨軒翠花含向客嬌扣廉時攬食翻卷夜焚膏
竟誤朱衣點那防白鼠跳蛟龍雲雨會牝牡薰群挑
忽有同宗念爰申獨處謔涕流真慕賈兵論每凌晁
意氣陳雷許時名李杜超暫違胡鄣各相憶減丰標
草徑青迷馬楊津綠漫橋樓臺迴暝色江海劇風潮
但切毛錐嘆常懸寶劍招橫鱗詎池沼鷓鴣快雲霄
龍沙遇毛君武亭再餞

羈鴻常慕侶谷鳥及先求不盡龍宮興番成虎帳遊
夏深濃岸柳雨減小出蘆洲棹艤北沙穩山迎西戶幽
江湖半落照風水四側離憂舊部群公薦新符百粵州
天浮洞庭闊海盡日南流白首今遙別金尊莫倦留
秋日訪王生山中因與携酒躡嶠探蠻王洞
觀古刻遂逾嶺造峴石而飲二十二韻

舊見今相聚新秋爾一過我尋龐氏鹿本美右軍鵝
草木踈孤峴霜風落漢波紆徐習池轉巉峭寺林多
道器沉冥蘊天倪吐吸和違群甘衆叻守一賴神訶
貧擬懸鶉憲廉持訓蚘軻甲橐魏世業章甫發賢科

獻策蕢偏斥逃名籍每醜巨魚行縱壑隻鳳且遊阿
嫋嫋交簷桂菁菁被隰莪柴門伴老衲蕪徑謝鳴珂
園賁幽人吉谿盤碩士適卜隣王翰欲懷里仲宣頗
去就堪余哂生涯柰路何昔人竟誰在吾道合狂歌
逞醉探雲嶠逾巔憇石窩洞昏剝字蘚巖裊掛中蘿
一水寒明練千峯暮集螺笑疑搖地軸手可拂天河
窈窕奔山鬼光華掩珮娥豫防羲馭速取辦魯陽戈

寄陸子洲二十四韻

爲復淹邦邑旋仍寄海城一看東泖月幾喚北江鶯
地濕身曾健潮誼寐果驚烏情終急哺驥子竟何成

踽踽形將影滄滄弟憶兄累朝誰直筆四海獨蒼生
前漢留班史雲間挺陸衡餐揮巨口鱠卧聽九臯鳴
方朔元金馬長門足長卿文章會琬琰舉動必鏗錡
夜有青藜引晨趨華蓋行數甄楓禁切視草藥堦清
夙昔鄱陽使伊余擁幘征雲霾負嶠虎風湧駭波鯨
黯黷川原血犇虺玉石頌衣冠函竄突戟劔戛摩爭
卽幸緘書達猶慚虛左迎扶搖翬奮翼驟裏忽垂纓
混沌玄黃戰陰沉日月精眉山亦按獄谷口合歸畊
早見羞張摯文讒似屈平竟陳徒憤鬱高義祇拘停
茫渤任公釣緱岑子晉笙吾衰尚餘此長嘯舞霓旌

送陳憲使淮上兵備

世徑轉蓬勤清秋袂一分攬綏霜日肅前路鼓笳聞
誅卯元兼武出師非乏文渤光挫組練淮色變風雲
陣偃龍蛇互威行虎豹群檄湏陳記室客有孟叅軍
校獵歸常月投壺醉每曛推牛將士飽賣劍婦男耘
河伯黃樓壓芒碭赤氣殷徐人信慄悍楚壤鬱氤氳
諸盜山東起長驅宇內焚斯邦實兀兀朝論日紛紛
挽漕初疑阻提兵竟策勲瘡痍鑒不遠喉脇仗須君
鶚擊豺狼伏春敷草木薰異時功業地壩海接江清

寄贈余子

余子去吾久行藏今若何黃山住實近白髮爾應多
身以煙霞癖心通日月和龜蒙元倚釣康節竟成窩
林壑潛虬日江湖放鶴過鄉人欽杖屨世路笑風波
初度臨萸菊高筵敞薜蘿橘陳屈子頌鶴擬李生歌
日落峯回色雲香客半醅壽杯思欲把惆悵隔三河

雨宴對立別第

飛蓋凌晨集行宮映雨開天為歌鼓動霧拂舞筵迴
賓客梁王盛山河故國哀長沙悲舊傳屠市隱真才
憶昔兒童聚惟今老大催達人元曠逸萬物且形骸
樂混寒聲沸尊添暝色來斜風霑綺席踈點灑金杯

雜逞龍仙互先爭走虎豹摧轉眸升旭日覆手下秋雷
尚有懽娛歎須防禮法猜門衢汨泥淖莫遣引燈回
黃君五十六歲始舉一子是年予亦有次郎
黃冬官也厥父尚書予故得侈其家世

異骨成何晚真毛產固殊雲移丹穴種霧滃渥注駒
驀墮懷中月俄橫掌上珠試啼存大鑑摩頂協玄符
彌月翻身健暮年認父呼聿曾提俎豆詎但識之無
鄉里論前輩尚書挺後模終於金石貫貽厥鬼神扶
冠玉元諸子金香矧丈夫急流棄軒冕長嘯卽江湖
人每占瞿後天應福趙孤外家邠老裔晚境樂天雛

瑞擬連胎蚌賢期返哺烏生辰追履上詩禮紹庭趨
抱子誰非足憂時爾實迂向來顛種種今始覺予于
失路均浮梗為隣獨守株弄璋亦偶爾獻璞欲何須
漫俟兒童長虛愁日月驅龍豬吾暇較天地幾桑榆

秋日城東陂餞汪三

聚首仍何處分襟復此陂衣冠屯綠淑笳鼓截清漪
自爾為三益伊予畏四知周交醇稷飲卓坐衆賓嬉
嘆息今遲暮那堪古別離池臺杜甫徧舟楫謝安移
棹撥天疑破窻旋岸欲隨涼風下菡萏人語避鳧鷖
暫輟蒹葭唱真生霜露悲但看眼前事能負手中卮

歎邑誰黃髮汪門汝白眉少游梁孝苑老動李鷹思
杳杳憐江海悠悠悵路岐餘霞散錦繡落日湧琉璃
雲物秋元異懽娛夜更追寒蠶依斷梗微月隱疎籬
逸氣衰猶壯睽心醉不支淚深南浦草愁重北梅枝
飲罷還持袂潮平是去時相尋有遙夢應統碧梧湄

贈王秋官二十四韻

紫氣開三極皇風穆四陲嵯嶢金虎地瀟灑白雲司
東拔才賢入飛騰位望推呂條元慎罰虞典固先疑
聿自刑書鑄相沿律令垂歷朝徒異議聖代實宏規
或皞麒麟至囹空徃犴離群居搜簡帙高揖講黃義

此驂騮種曾於汗血知鯉庭真獨授鴈塔果手馳
爾在通家子予慚私淑師橐驚文考賦智讓孝娥碑
道路分雙旆江湖把一麾閣清霜並肅車動雨偏隨
禮樂徵王粲聲名采杜詩大龜終納錫威鳳合來儀
振珮游香署裁冠侍玉墀臯陶淑問日季路片言時
汝遂青雲致吾寬白髮悲仕途迂謬逐丘壑太平宜
但看陰陽轉寧論桑海移雪溪王子棹竹墅謝安碁
顯晦誰能料流行每若斯寄言諸彥碩努力赴前期
雪臺子家見杏花

九陌春風起君庭一見花偶來吾下馬先有客停車

猶是輕寒日那禁爛熳霞覓詩巡獨樹汎酒摘高葩
色故流水袂香能染帽紗眼中俱是幻身外豈須嗟
冷暖隨人事行藏付物華明朝約重賞莫遣落塵沙

贈復齋子二十韻

豈謂懸弧日今逢獻襪辰

丁亥十一月十九日冬至

梅樽初介壽

葭管暗浮春王國多賢者朝廷是聖人八荒元皞

皞七世益振振北斗天元氣南陽帝近親方城鬱律

律江漢白粼粼憶昔生申甫崧高實降神一陽消長

意七日往來因刻志耽經史忘形下縉紳座無絕纓

客門有曳裾賓楚醴朝朝設梁園事事新心於業遂

夙性以學而淳汙禮樂河間並文章子建隣八公傳訣

日三老述年且辰瑞霧濛朱閣香塵擁畫輪筵開金玳

瑁烟裊玉麒麟避地淹叢桂停雲詠大椿力耕知稼

實苦節愧儒珍欲振扶搖翮其如潦倒身呂嵇千里

駕終擬託雷陳

早春豫齋先生招飲壽樂亭卽席八韻

每當和煦日逕造賞春臺為與歲華約非因歌舞來

乾坤從白髮節序且紅梅轉徑尋花發憑軒數鴈迴

日斜雲故擁地煖氣仍催彭澤義皇意河間禮樂才

激昂還玉笛爛熳有金杯坐待中天月長風霧已開

正同集卷第二十八

...

...

...

...

...

...

...

...

...



